

Entre insistencia di comunidad, ATA ta comparti resultado di 'Local Sentiment Survey'



Pagina 4

• **Directie Ouderenzaken ta bay celebra luna di Adulto Mayor cu tres evento**

Pagina 2

• **Rycond Santos do Nascimento y su partido Lucha pa Reforma (LPR) ta cla pa eleccion**

Pagina 3

• **DBB ta urgi ciudadano Hulandes of residencia na Aruba pa bandona Libanon**

Pagina 6

Corso ta keda riba lista shinishi di UE pa falta di cooperacion di impuesto



Pagina 8

Haiti: Investigadornan ta acusa tres miembro di conseho presidencial transicional di corrupcion



Pagina 11

Horcan Helene ta e di dos mas mortal den e ultimo 50 aña na Merca



Pagina 24

Directie Ouderenzaken ta bay celebra luna di Adulto Mayor cu tres evento



Dia Internacional di Adulto Mayor 1 di october tambe ta bay ser conmemora pa Directie Ouderenzaken caminda su director Desiree Helder a splica cu esaki ta un dia cu Nacionnan Uni a proclama 34 aña pasa y nan a informa riba e actividadnan cu ta prepara pa e luna aki dirigi riba nos grandinan.

Helder a informa cu e tema di e aña aki ta trata di “Dignidad den envehecemento” y tambe pa wak con nan por fortalece e sistema di cuido pa adultonan mayor, pa e motibo aki nan ta bay organisa tres diferente evento.

Den e prome ta bay trece dilanti e tema di dignidad y e importancia riba e parti di movecion y nutricion, esaki lo tuma luga diasabra 12 di october den oranan di mainta na JFK Center, e dia aki nan lo enfoca riba e adulto mayor mes.

Dia 18 di october ta e di dos evento na JFK Center tambe enfoca riba e cuidadonan di adultonan mayor, pakico ta importante pa trata un adulto mayor cu dignidad, kico tur ta encera esey y con hendenan grandi mester tene na cuenta cu nan salud, pa no tene stress “pasobra esaki normalmente ta un trabou dificil, un trabou pisa unda nan mester siña nan mes con pa deal cu emocionnan pa nan por sigui yuda e adultonan mayor lo mas miho posibel,” Helder a bisa.

E ultimo evento ta bay ta dia 26 di october igualmente na JFK Center y lo ta dirigi pa cuidadonan di adulto mayor den cas, vooral esnan cu ta famia of bisiña cu ta duna aporte of sosten na adultonan mayor pa nan keda funciona debidamente na nan cas, manera Helder a señala.

Den prome evento evento



nan ta enfoca riba adulto mayor mes y riba nan dignidad, con por traha cu esey, con nan por promove esey y den e dos otro ta enfoca riba esnan cu ta sostene e adultonan mayor pa mantene nan dignidad.

“E deseo ta pa adultonan mayor keda funciona lo mas miho posibel den nan mesun cas, den nan mesun ambiente y esey ta loke nan ta custuma cune, ta parti di nan dignidad,” el a sigura.

Helder a bisa cu un di nan tareanan mas importante como Directie Ouderenzaken ta pa duna informacion pa atende cu casonan cu kisas debi na falta di informacion, falta di educacion pa esnan cu ta den cas di cuido of den cas mes “e ta un tarea hopi importante pa nos di sigui keda alerta pasobra nos kier sigui brinda un cuido di calidad na adulto mayor tambe.”

Pa loke ta trata e parti di ley, Helder a declara cu sigur esey mester wordo trata y esey tin nan atencion, “lo cual cu mester cuminsa cune ta e respet pa adulto mayor, cu nos como comunidad tambe ta al tanto di e problematica di adulto mayor ta pasa den dje actualmente y pa nos mehora e situacion ey. Nos como Directie tin e tarea ey pa educa comunidad.”

Directie Ouderenzaken ta conformando un helpdesk cu ya caba ta habri pero nan no tin tur cos in place segun Helder a bisa, pa asina por yega na un punto di atende cu keho cu ta trata di abuso, e personanan por acerca na nan.

E helpdesk ta habri pa cualkier informacion cu tin mester di dje cu tin di haber cu casnan di cuido, con pa yega na nan, con pa bin na remarca pa lista

di spera di SABA “pero nos ta trahando pa na momento cu nos ta haya un keho nos lo mester atende cune y nos lo por sirbi e adulto mayor cu esey tambe,” Helder a informa.

Pa loke ta trata e Foro Nacional di Adulto Mayor, Helder a bisa cu nan tin algun puntonan den spera pa asina traha e rapport final y keda cla prome cu fin di aña y “pa nos cuminsa traha riba e recomendacionnan tambe.”

Tambe el a expresa cu den foro tabatin expertonan for di Hulanda y otro paisnan unda cu nan por siña di experticio di nan y por tuma nota di proyectonan cu por funciona na Aruba teniendo na cuenta e sabiduria di esnan cu a haci esey caba.

“Y esey nos ta haciendo tambe, nos tin hendenan cu ta yudando nos pa cuminsa encamina e proceso di bin cu exigencianan di calidad por ehemplo pa casnan di cuido, exigencianan di higiena, tambe hunto cu Inspectie Volksgezondheid Aruba (IVA) nos ta haciendo esey y asina tambe por yega na cuanto e ta costa pa un adulto mayor, esey ta procesonan cu ta canando nan caminda pero e ta basta complica. P’esey e Directie a ser lanta, pasobra e no ta un cos cu den un rato bo ta soluciona, ta cosnan cu structuralmente mester set up na Aruba pa nan tambe keda sostenibel.”

Pa finalisa, Helder a señala cu nan ta trahando pa fortalece e lasonan estrecho cu nan mester tin “pa tin un cooperacion general pa loke ta trata cuido di adulto mayor.”

LUNA DI ADULTO MAYOR
3 evento informativo

- ✓ **Evento pa adulto mayor**
12 oktober
- ✓ **Evento pa cuidadonan formal**
18 oktober
- ✓ **Evento pa cuidadonan informal**
26 oktober

Rycond Santos do Nascimento y su partido Lucha pa Reforma (LPR) ta cla pa eleccion



Den un entrevista cu Bon Dia Aruba, Rycond Santos do Nascimento a sigura cu ta bay participa den eleccion aworaki cu su partido cristian democrata Lucha Pa Reforma (LPR) cual a keda institui na juli di aña pasa ora a pasa un proceso y su registracion a keda cla.

El a splica cu nan tin un eki-po cu varios candidato aunke esaki a bay di un forma basta silencioso segun e ta conta, pa motibo cu den caso aki “mester actua cu strategia tambe y no ta tur prensa ta gusta lo cual mi ta skirbi, p’esey nos a traha cu basta cautela y aworaki nos por bisa cu nos tin candidatonan, programa di partido, mensahe y nos ta diferente cu e otro partidonan,” el a sigura.

Den su opinion, partidonan di oposicion actual tin un influencia riba nan y nan ta trahando den conhuntio, esey ta haci cu no por haci un diferencia entre por ehemplo, Accion21, Futuro y MAS “tur tres ta mesun style, mesun pensamiento y no tin diferencia,” e ta sigura.

Su preocupacion ta cu e tres partido aki “no tin ni un interes pa adresa e problema structural di e pais y e manera cu por wak ta hopi cla, ta cu

a nan no kier papia di e problema di AVP tampoco, nan kier papia di gobierno actual. Pero gobierno actual ta parti di nos gobernacion pero si bo kier problemanan structural bo mester wak e pais desde 1986 y awor bo tin un otro cuadro pa bo busca con e pais aki a ser goberna.”

Ta conoci cu Do Nascimento ta ser cuestiona den algun media local por medio di diferente declaracion cu el a bin haciendo, como por ehemplo, cu un persona condena pa corrupcion “no ta algo normal, no ta aceptabel y no ta cos pa celebra.” Ademá, el a defende minister di Finanzas, Xiomara Maduro contra atakenan di partidonan di oposicion, algo e ta sigura cu “Problemanan financiero di awe a ser crea desde 1986. P’esey e KB na 2015. Xiomara a logra catch up cu atrasonan crea durante 30 aña, logrando loke ningun minister di finansa a logra: entrega di tres presupuesto consecutivo na tempo y tur tres cu surplus. Esey ta haci reduccion structural di nos debe nacional posibel.”

Debi na su opinion, el a ser cuestiona y hasta señala cu e ta bay forma parti di partido MEP “pero esey ta atakenan di Patrick Paskel y Speed Andrade contra mi persona pero e punto ta cu ora nos ta wak e pais na e punto aki, cu nos mester wak for di un perspectiva na largo plaso pa asina ey por reconoce cu e pais no ta bay bon den area di Finanzas publico y e no tabata bay bon riba area di integridad, hopi corrupcion.”

Den esaki, tin e intervencion di Hulanda na 2015 “y e tin un impacto grandi pasobra

for di e momento ey nos tin supervision financiero, na 2017 a haya cambio di gobernacion y esey tambe tabatin impacto positivo pasobra den gobernacion nobo bo ta pone finanzas publico como algo importante y a pone bon gobernacion combati corrupcion tambe,” e ta señala.

Ora pandemia di Covid-19 a dal Aruba, Hulanda a bin cu exigencianan extra den e Landspakket lo cual ta exige reformanan “ora bo ta wak tur esfuersonan aki cu a ser haci for di 2015 pa awor, bo ta cuminsa wak e frutonan, tres presupuesto entrega na tempo cu a ser entrega tambe cu surplus, bo ta wak cu parlamento di Aruba a haya hopi mas informacion cu ever por a haya den historia di pais aki. Analizando esey, bo ta wak e trabou estrecho cu tin pa refora nos sistema hudicial, ekipa Ministerio Publico, pasobra bo ta wak mas caso pasobra Ministerio Publico ta mas ekipa aworaki,” Do Nascimento a bisa. Pero esaki ta un trabou cu mester continua segun loke e ta indica.

E problema pa cierto periodistanan, manera e ta sigura ta cu “AVP no ta den e posicion pa haci nada ni riba parti di Finanzas publico ni riba parti di combati corrupcion, pasobra nan a demostra cu nan ta hopi willing pa critica y ataca tur corrupcion cu tin di haber contra partido MEP pero ora ta pasa un corrupcion den cas, e partido ta keda keda. E ora bo no ta serio pa ataca corrupcion.”

Lo cual Aruba mester aworaki manera e ta sigura, ta cambianan structural y no ta scucha ni un caminda pa combati corrupcion unda cu awor tin un ley di Financiamiento di Partido Politico y un ley di

Screening di Minister. Pero di mesun manera el a defende minister di Transporte, Ursell Arends pa loke ta trata e situacion cu taxistanan caminda Do Nascimento a expresa cu partidonan di oposicion tin un agenda y cu “a mi si ta apoya e esfuerso pa mitiga e corrupcion cu a tuma luga pa motibo di poder demasiado grandi pa ministernan, esey ta conta pa un minister cu tin Transporte den su cartera, pero bo ta wak cu e mesun origen di soborno y corrupcion den caso di Benny Sevinger y den e caso di Paul Croes.”

Pa loke ta trata su puntonan principal pa su plan di campaña, el a bisa cu maneho di medio ambiente y maneho di desperdicio mester di un solucion lo cual ta nifica cu mester di un ley pa regla lo cual ta maneho di medio ambiente unda por acapara po-

lucion di aire, awa y tera. Banda di esey, combatimento di corrupcion unda mester enfoca riba e poder di e ministernan “pasobra den pasado tabatin yen ex-minister cu tin un boca grandi tocante integridad y combati corrupcion, manera Otmar Oduber y Marisol Tromp pero un di e problemanan ta cu ora e ministernan tin poder demasiado grandi, eynan e corrupcion ta tuma luga.”

Papiando di su candidatonan cu lo subi su lista, Do Nascimento a informa cu tin candidatonan riba e parti preventivo, cu un plan di accion riba salud. “pero esnan cu kier sa mas di nos, semper keda pendiente kico nos ta papia di dje, caminda den un flyer nos a enumera e principionan basico di e partido, despues di entregamento di lista nos lo public e programa di partido Lucha pa Reforma.”

Aruba tin un Ombudsman, pero ta keda duda riba imparcialidad den e proceso

E siman aki, finalmente Aruba a huramenta su prome Ombudsman, mr. Jurima Bryson. Un desarojo sumamente positivo y cu a tuma un tempo hopi largo. Sinembargo, na mas di un ocasion Bon Dia Aruba a expresa desacuero cu cierto parti di e ley cu ta institui e Ombudsman, pa loke ta nombramento di e persona, cu no tabatin pakico di bay manera el a bay.

A trece esaki dilanti den Editorial dia 10 di juli 2024, titula “Gobierno ta pone, y... Gobierno por kita Ombudsman...?” E problema cu e proceso di nombramento ta cu e partidonan den gobierno ta vota pa esun cu nan ta desea. Maske e proceso aki ta legitimo, e no ta e miho manera pa cuminsa e trayecto di Ombudsman.

Pero tambe si ta pone bista riba e funcionamiento y eventual retiro di un Ombuds-

man, unda, banda di leynan standard pa retiro di funcionarionan publico, ora nan haya problema cu husticia, articulo 6, inciso 3, ta bisa: “Staten por retira e Ombudsman, despues di conseho di Raad van Advies: a) si pa motibo di enfermedad e ta incapacita permanentemente pa eherce su funcion; b) ora e, segun huicio di Staten, a traves di actua, o keda sin actua, ta haci daño grave na e confianza poni den su persona.”

E problema aki ta cu facilmente e mayoria gubernamental por ignora e conseho di Raad van Advies – algo cu ta sucede frecuentemente, y si tin intencion caba di retira Ombudsman, un conseho negativo di e organo di Conseho no lo pone nan cambia nan pensamiento.

Ademá, e formulacion amplio di “haci daño grave na e confianza den su persona” ta habri caminda pa hopi interpretacion. Si en general e

Ombudsman mester tuma posicion fuerte contra un mandatario of e Gabinete, cu por resulta hasta den caso den corte contra gobierno, no por confia cu e gobierno al mando na dado momento no lo haci uso oportunista di esaki.

A pesar cu a celebra e institucion di un Ombudsman finalmente pa Aruba, e dudanan aki ta mitiga e confiansa cu realmente lo trece un cambio positivo pa pueblo di Aruba.

Entre insistencia di comunidad pa su publicacion,

Aruba Tourism Authority (A.T.A.) ta comparti resultado di ‘Local Sentiment Survey’

Mientras cu riba rednan social diferente actor den comunidad, incluyendo ambientalista Nigel Maduro, tabata insisti pa A.T.A. publica e resultadonan di e encuesta midiendo e sentimento di poblacion local pa cu turismo, e autoridad di turismo a emiti un comunicado di prensa dunando informacion riba e resultadonan.

Aruba Tourism Authority (A.T.A.) ta continua cu e compromiso pa midi y comprende e sentimento di e comunidad local encuanto turismo. E prome coleccion di data a tuma lugar na 2018 durante e periodo di celebracion di Dia di Himno y Bandera cu bishita na varios Centro di Barrio rond di e isla cu e meta pa ripiti e investigacion aki cada dos aña.

Den 2020, no por a completa e investigacion aki pa motibo di e pandemia di COVID-19. Despues di e pandemia, A.T.A. a propone pa reevalua e sentimento di e comunidad pa asina por identifica cuakier cambio debi na e pandemia. Na mei 2022, cu asistencia di diferente estudiante di Universidad di Aruba, A.T.A. a procura pa incorpora un metodo amplio pa colecta feedback, usando tanto encuesta online como tambe entrevistando miembran di nos comunidad.

Den 2024, a colecta data na comienso di Maart, riba fechanan di 1, 2, y 17 riba Plaza Betico Croes durante e Evento Cultural, y riba nos dia Nacional di Himno y Bandera 18 di maart na varios Centro di Barrio di entre otro; San Nicolas, Savaneta, Brazil, Santa Cruz, Piedra Plat, como tambe na Royal Aruba Aloe y Museo Arkeologico. Un encuesta tabata disponible via Qualtrics utilizando un link di URL y un codigo



QR, cu a wordo comparti a traves di medianan di prensa local, plataforman di red social di Oficina di Turismo (A.T.A.), y promovi di diferente manera. Alabes, ta di menciona cu a acerca y a ricibi participacion di trahadornan na diferente negoshinan local, y studiantenan di Universidad di Aruba y Colegio E.P.I. Ultimo dia cu participantenan por a yena e encuesta tabata dia 15 di april 2024.

Den 2024, A.T.A. a dicidi di haci un evaluacion (“review”) independiente di e metodologia usa p acu e Local Sentiment Survey. E evaluacion aki a wordo haci door di MGM Source y a enfoca riba diferente aspecto manera e metodologia aplica, preguntanan di e encuesta, ‘sample sizing’

y ‘target market’, e proceso di e coleccion di e encuestanan, ‘data entry process’, y ‘quality of collected results, confidence level y effectiveness’. Tambe A.T.A. a introduci un ‘thematic analysis’ pa por a segmenta tur e comentarijonan colecta den topiconan. A.T.A. a inverti tempo den esaki y awor cu a completa e aspecto aki, ta pasa na comparti e resultadonan.

A colecta un total di 3,583 encuesta, di cual 2,053 encuesta tabata online y 1,530 tabata encuestanan ‘face-to-face’. Despues di a check pa erornan (por ehempel encuestanan no completo), a establece e cantidad final na 2,592 encuesta. Basa riba e poblacion local di 107,566 (Central Bureau di Estadística 2023), por conclui cu e total di encuestanan corectamente colecta ta carga un nivel di confiansa di 95% y un ‘margin of error’ di 5%. Segun e resultadonan revisa di MGM Source (e consultantenan cu e haci e revision) e cantidad di encuesta colecta (2,592) pa e encuesta di ‘Local Sentiment’ tin un nivel di confiansa di 99% y un ‘margin of error’ di 2.5% cu ta surpasa e minimo necesario.

Actualmente, A.T.A. ta tumando pasonan proactivo pa redefini e modelo di turismo a traves di ‘Responsible Tourism’ y finalmente ‘Regenerative Tourism’. Accionnan lo dirigi nan mes riba esaki cu aspiracion pa Aruba avansa y posiciona su mes como lider den practica di turismo responsabel y sostenibel pa generacionan cu ta sigui. Varios cambio a wordo comparti recientemente y lo sigui haci esfuerso pa sigui comparti esakinan.

Ta di menciona cu A.T.A. ta orguyoso di e ehecucion positivo y constante di e sector di turismo. Aruba ta continua di ta un di e mihor destinacion den region Caribe cu un demanda y posicionamento halto. Aunke cu esaki ta e caso, ta di reconoce cu nos destinacion ta na un crusada. Ta importante pa reconoce un cambio di sentimento di turismo mundialmente. E impacto negativo excesivo di turismo riba e comunidad anfitrión y ambiente natural ta real, y na Aruba nos no ta immuun na e ola di sentimento mundial aki.

Resultado

E resultado a indica cu un number significativo di participantenan di e encuesta ta reconoce cu turismo ta un industria clave y e motor di e economia di Aruba. 68% di e poblacion di participantenan di e encuesta a expresa di ta contento cu e industria di turismo. Bou di esnan cu ta traha directamente den e sector di hospitalidad, esaki ta 75%, es decir e cantidad cu ta contento cu e industria.

Den un escala di 1 pa 5, 68% di e participantenan di e encuesta a ‘rate’ turismo cu un punto di 4 (positivo) pa 5 (extremadamente positivo). Den total, esaki ta refleha un impacto generalmente faborabel cu un averahe di 3.9 punto. Na otro banda, entre e 32% di e participante cu a ‘rate’ extremadamente negativo pa neutral, 19% a opta pa duna un comentario adicional.

A procura pa segmenta tur comentario den topico principal. E topiconan mas menciona tawata; e volumen di turista riba e isla, repercusion economico (relata na labor, prijs di vivienda, e ganashi cu no ta yega na e pueblo, etc.),

envolvimiento di e comunidad limita cu un enfoca riba turista, e necesidad pa mehora e infraestructura, y consideracion pa cu nos medio ambiente/naturalesa.

Un otro pregunta cu a wordo haci na e participantenan ta pa duna un indicacion di nan preocupacionan principal. E participantenan a expresa varios punto di preocupacion, cu ta inclui: acceso na vivienda pagabel, presion riba e infraestructura, insuficiente beneficio directo di e entrada cu turismo ta genera, y daño na e medio ambiente/naturalesa.

Ta di menciona cu a colecta feedback for di un grupo di edad varia cu ta ser categorisa pa generacion di Gen Z (personanan cu un edad di 18 pa 27 aña cu un participacion di 12%) Millenials (personanan cu un edad di 28 pa 43 aña cu un participacion di 35%), Gen X (personanan cu un edad di 44 pa 59 aña cu un participacion di 35%), y generacion Boomers (personanan cu un edad di 60 aña bay ariba cu un participacion di 18%).

E reparticion a base di distrito ta indica cu 32% di e participantenan a bini for di distrito di Paradera/Santa Cruz, 27% for di e distrito di Noord/Tanki Leendert, 22% for di Oranjestad, y 19% for di Savaneta/San Nicolaas. Un notable 82% di e participantenan ta emplea na e momento cu a completa e encuesta, y 70% ta den e rango di edad di 28 pa 59 aña. Aproximadamente 68% di e participantenan ta un mayor cu un averahe di dos yiu. Nivel di educacion entre e participantenan ta varia, cu 47% tin un Bachelor’s Degree of mas halto.

Cu puntonan di estudio resalta, nos ta invita pa bishita www.ata.aw/knowledge-base pa lesa e resultado di e estudio di ‘Local Sentiment’.

A.T.A. ta gradici e comunidad local, companianan local, y studiantenan cu a forma parti di encuesta aki. Ta subraya atrobe cu A.T.A. a cuminsa anuncia ahustacion den maneho caba, pero cu tambe esfuerso pa entre otro maneha sobre-turismo, ta un responsabilidad colectivo y no di A.T.A. so.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueroa (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

No ta refugiado so...

Ta yega di Venezuela...

E publicacion di Amnesty International tocante e situacion di refugiadonan Venezolano na Aruba no solamente mester ocasiona un debate tocante e tema aki, pero ta trece na nos atencion tambe, banda di un posible ola di migracion pa e situacion actual na e pais despues di eleccion na juli pasa, ki riesgo di seguridad mas e situacion na e pais ey ta trece pa nos. Pasobra, no ta asina yama 'refugiado' so ta yega di e pais bisña Venezuela. E costa mas cerca di nos isla, e peninsula di Paraguana, ta un base importante di operacion di narcotrafico internacional, di unda hopi transporte ta sali pa e islanan den Caribe, pa Centroamerica y otro destino mas na norte riba e continente. Entre otro e informe di e organizacion InsightCrime di april 2022 ta duna un analisis detaya di e forma con narcotrafico a traves di e añanan di e dictadura Chavista a yega na un relacion intimo cu e cuerponan uniforma y otro representante di e circulonnan mas halto di gobernacion. Un asunto cu ta exige atencion continuo di autoridad hudicial na Aruba, ya cu no ta trata solamente di transporte di droga cu ta intercepta den nos awanan teritorial y den cooperacion cu otro pais den region, pero tabatin caso reciente di transporte grandi via container cu probablemente a origina na nos isla. Esey ta duna en cortu un impresion di loke e situacion na Venezuela lo keda ocasiona pa nos, mirando e hecho cu por lo pronto no lo bin un fin na e regimen dictatorial, cu ta sobrevivi hustamente pa via di e colaboracion cu narcotrafico internacional.

Hunto cu e problema di narcotrafico nos ta haya tambe e trafico di arma for di Venezuela. Esaki merece un splicacion mas detaya. Venezuela ta probecha di su relacion estrecho cu e regimen di Putin na Rusia tambe den sentido di colaboracion militar. Esey, manera por a mira den pasado na pais manera Nicaragua, ta conduci na un abundancia grandi di arma Ruso, cu ta haya nan caminda tambe pa mercado clandestino di arma, den cual sin duda miembronan di e cuerponan uniforma mes ta hunga un papel. Manera nos por a ripara caba, no ta 'refugiado' so ta yega, droga y arma ta biaha den e mesun botonan ey. A proposito, un pregunta: e botonan aki ta sali sin problema for di costa, vigila y controla pa un dictadura, cu ta usa e mesun costa ey pa salida di transporte di droga? Si djis aki nos ta haya un supuesto 'ola di migrante', esey ta algo completamente 'espontaneo' o ta algo organiza, o en todo caso 'permiti' pa dictadura di Maduro?

Nos por imagina cu tur e aspectonan aki tin atencion di gobierno Hulandes y cu regularmente esaki ta tema tambe discuti cu nos gobierno. Claro cu

esaki ta e detayenan cu ta keda confidencial y ta obvio pakico. Sin embargo, tin algun asunto cu ta keda molestia, manera por ehemplo: si nos tin caba, y por premira mas problema di seguridad cu Venezuela den e proximo tempo, ta ken a insisti riba habri frontera pa barco Venezolano por drenta, supuestamente cu fruta y berdura, pero esaki no ta causa demasiado extra trabao di vigilancia y control, mirando e riesgonan? Anto esey pa beneficio minimo cu nos tin pasobra e importacion di producto di Venezuela riba e totalidad cu nos ta importa no ta significa nada... Nos por a biba masha bon sin producto Venezolano, pakico nos mester causa nos mes un cantidad di preocupacion y problema, anto pa no papia mes di e propaganda gratis pa e regimen cu por gaba cu nan tin bon relacion cu e islanan, na momento cu tur pais democratico ta busca forma pa apoya pueblo Venezolano pa bolbe na un sistema democratico, despues di e suceso cu eleccion algun luna pasa. Otronan ta busca con pa pone presion, y nos ta purba complace nan?

Hasta gobiernonan amigo di Maduro, manera esun di presidente Petro na Colombia y Lula da Silva na Brasil no kier reconoce presidente Maduro si e no ta esclarece e asunto di e actanan electoral. Porcierto cu Carter Center, conoci pa nan colaboracion cu eleccion na tur parti di mundo, a presenta e actanan electoral den asamblea di Organizacion di Estadonan Americano (OEA), for di cual a resulta cu e eleccion presidencial tabata un victoria rotundo pa Edmundo Gonzalez. Lamentablemente esey no ta cambia nada na e situacion na e pais y aparentemente pa hopi hende ta resulta dificil comprende cu den 25 aña a crece un relacion fuerte y estrecho entre politico y militar, a traves di e beneficienan mutuo cu nan tin di narcotrafico. Eleccion riba su mes no ta logra cambia e situacion y nos no por trata gobierno di Maduro como un gobierno democratico.

Finalmente, henter e asunto aki di con acerca e problema Venezuela den tur su aspectonan, lo ta responsabilidad di gobierno Hulandes. E publicacion di Amnesty International sigur no tabata dirigi na nos so, talvez ni na nos na promer lugar. Trato indebido di refugiado o di cualkier persona deteni bao di cualkier status, ta algo cu tin consecuencia pa Reino Hulandes como firmante principal di e tratadonan cu eventualmente Aruba ta viola.

Gobierno demisionario of no, sin duda algun e asunto aki lo haya su continuacion den consulta entre Hulanda y Aruba. Cu awor caba 107.000 habitante oficial y 17.000 no oficial, nos ta caba na 124.000, loke ta mas di 600 habitante pa kilometro cuadra... Y keto bay no por mira nada di un maneho formal y aproba, manera mester ta...

Experto di ACM di Hulanda colaborando cu AFTA den desaroyo di preconditionnan pa maneho di competencia

Como parti di cooperacion entre Aruba y Hulanda por medio di e Landspakket, for di Autoriteit Consumenten en Markt (ACM) di Hulanda, diferente experto lo bin Aruba den diferente fase pa asisti Aruba Fair Trade Authority (AFTA) den diferente area di trabao.

Recientemente un experto di ACM riba tereno di competencia a bin Aruba pa asisti AFTA den desaroyo di preconditionnan pa e maneho di competencia. E trabao di e experto aki lo dura tres luna y despues otro experto lo bin Aruba pa sigui brinda asistencia na AFTA riba otro area di trabao. TWO-Hulanda ta financia e asistencia di e expertonan, cual lo fortifica e funcionamiento di AFTA.

Despues cu 1 di december 2023, Minister di Asunto Economico, Comunicacion



y Desaroyo Sostenibel, mr. Geoffrey Wever, a inaugura Aruba Fair Trade Authority den centro di Oranjestad y 1 januari 2024 e Ley di AFTA tambe a bay na vigor pa asina e autoridad di competencia husto por inicia su tareanan.

AFTA, como un organisacion independiente (zelfstandig

bestuursorgaan), cu su mesun directiva, tin como tarea principal e ehecucion di e ley di ordenansa nacional encunto competencia husto (mededingingsverordening). E meta di e ordenansa nacional di competencia husto ta pa garantisar un desaroyo economico husto y stipula regla encunto acuerdonan



cu ta limita competencia (mededingingsafspraken) y posicion di poder (machtspositie), como tambe stipula regla pa cu supervision riba concentracion di empresanan.

Fin di januari 2024 Minister Geoffrey Wever a haci un biahe ehecutivo pa Hulanda pa reuni cu expertonan Hulandes di Autoriteit Consumenten en Markt (ACM) over diferente area di colaboracion. Tambe a inicia e pre-

paracionnan di e ley pa inclui proteccion di consumidor bao di AFTA su responsabilidadnan. E ley aki ta den fase final di preparacion cu intencion cu pa 2025 AFTA lo tin e responsabilidad adicional pa reglamenta y informa riba tereno di proteccion di consumidor.

Pa mas informacion over di e responsabilidadnan y tareanan di Aruba Fair Trade Authority (AFTA) por bishita nan webiste www.afta.aw

Directie Buitenlandse Betrekkingen Aruba cu peticion urgente:

Tur persona di nacionalidad Hulandes of residencia na Aruba bandona Libanon

E situacion di seguridad na Libanon ta bira mas insegur cada dia. Gobierno di Reino Hulandes a bin ta studia e situacion na e paisnan Libanon y Israel di cerca y a comunica e consehonan di biahe via www.nederlandwereldwijd.nl. Na mes momento ta mira cu ta birando mas y mas dificil pa ciudadanonan Hulandes sali for di

Libanon.

Gobierno Hulandes lo yuda activamente pa ciudadanonan cu nacionalidad Hulandes of di otro nacionalidad pero cu tin residencia legal na Hulanda of Caribe Hulandes, entro otro Aruba, pa sali for di Libanon cu vuelonan militar of vuelonan comercial. Den e proximo dianan Hulanda lo percura pa transporte aereo

militar. Adicionalmente, lo sigui haci esfuersonan pa asisti cu salidanan via aerolineanan comercial. Ministerio di Relacionnan Exterior di Reino Hulandes ta den contacto cu otro paisnan cu ta organisa vuelonan pa asina por repatria mas ciudadanonan Hulandes of residentenan legal di Reino lo mas pronto posibel.

Bo mester di asistencia pa sali for di Libanon?

Gobierno Hulandes por asisti cu un salida sigur for di Libanon. Yena e Formulario di Contacto di Crisis: <https://nederlandwereldwijd.custhelp.com/app/registration-nl>. Lesa via e siguiente link pa sa kico ta e condicionnan pa bin na remarke pa asistencia pa bandona Libanon: <https://www.nederlandwereldwijd.nl/crisis/formulier>

Importante pa sa

Actualmente tin vuelonan militar den preparacion pa sali for di Libanon (direccion Eindhoven) riba diabierna 4 di october y diasabra 5 di october 2024. Pa bin na remarca pa asistencia pa bandona Libanon ta sumamente



importante pa yena e formulario di Contacto di Crisis: <https://nederlandwereldwijd.custhelp.com/app/registration-nl>

Tene cuenta cu dificilmente gobierno Hulandes lo por bolbe ofrece e asistencia despues, si bo persona no por of no ta desea di bandona Libanon na e momentonan aki. E persona cu ricibi e asistencia pa bandona Libanon lo mester regla e resto di e biahe pa e por yega cas si esaki ta necesario.

Bo ta kedando na Libanon?

Den caso cu dicidi di permanece na Libanon ta nec-

esario pa por tin suficiente cuminda, cos di bebe, medicamento y posiblemente combustibel.

Den caso di necesidad of emergencia

Por tuma contacto cu emba-hada hulandes na Beirut 24 ora pa dia, 7 dia pa siman via e centro di contacto di Wereldwijd Nederland via e number di telefon: +31 247 247 247 of via WhatsApp: +31 6 82 38 77 96.

Pa mas informacion tocante kico por haci den un situacion di crisis por bishita e siguiente link: <https://www.netherlandsworldwide.nl/crisis/what-to-do-crisis>



Detayenan importante for di e rapport di AP riba e caida di uso di condon entre generacionnan mas jong

(AP)—Uso di condon a cay pa tur hende na Merca, pero investigadornan ta bisa cu e trend ta specialmente skerpi entre adolescente- y adultonan hoben.

Un par factor ta hunga un rol: avancenan medico manera anticonceptivo di termino largo y medicamentonan cu ta preveni infeccionnan sexualmente transmiti; un desaparicion di miedo di contrata HIV; y gradonan amplio di educacion sexual den scolnan secundario.

Aunke esaki no ta trece un fin na condon, expertonan di Salud Publico ta pensando con pa yuda generacionnan mas jong tene relacion sexual na un manera sigur, ta consciente di nan opcionnan—incluyendo condon—y tuma test di malesa sexualmente transmiti regularmente.

“Propagandan bieu di condon tabata diseña pa duna bo miedo, y nos tur tabatin medio pa hopi tempo,” segun dr. Joseph Cherabie, director medico di e St. Louis HIV Prevention Training Center na Merca. “Awo nos ta purbando di hala for di esey y enfoca mas riba kico ta traha pa bo.”

AP a examina e factornan tras di e trend y con expertonan di Salud Publico ta respondi-



endo. Aki ta sigui algun detayenan importante.

Avancenan medico ta cambia actitud

Mientras e medio di contrata HIV a cay, condonnan no ta un prioridad mas pa hende homber cu ta tene relacion sexual cu otro hende homber. Awo tin hopi opcion pa preveni HIV y otro malesanan sexualmente transmiti, incluyendo pre-exposure prophylaxis (PrEP) y doxycycline post-exposure prophylaxis (doxy PEP), cual por tuma dentro di 72 ora despues di relacion sexual sin proteccion y por yuda preveni clamidia, gonorea y sifilis.

E trend cayendo ta evidente entre hende homber cu ta tene relacion sexual cu hende homber riba appnan manera Grindr, cual ta un app popular pa hendenan homosexual

conoce otro, cual ta lista uso di condon bao “kinks” en bes di “salud.”

Investigador Steven Goodrea ta kere cu e caida den uso ta reflehando den generacionnan mas jong tambe, y cu e promocion di PrEP a tapa condonnan como un strategia di prevencion pa malesa. Dos strategianan federal contra HIV no ta menciona condon.

Andres Acosta Ardilla, ken ta traha na un clinica basa na Orlando cu ta cuida Latinonan cu HIV, a bisa cu uso di condon entre hende homber cu ta tene relacion homosexual ta “basicamente algo di pasado.”

Similarmente, opcionnan manera aparatonan intrauterino y pildo anticonceptivo ta hayando mas popularidad en-



tre hende muhe heterosexual como metodonan pa preveni embaraso.

Hende muhe hoben ta bisa cu hende homber ta descurasha uso di condon, y frecuente ta sinti nan mes insulta pa e implicacion cu nan por tin un malesa.

Controversia tocante educacion sexual

No tin ningun standard federal na Merca pa educacion sexual, cual ta laga estadonan mes dicidi kico por siña. Den algun estado, manera Mississippi, demostracionnan di condon ta prohibi. Den otro estadonan, manera Oregon, studiantenan ta observa demostracionnan di condon for di un edad jong caba.

Gruponan conservativo y de-

fensornan ta kere cu pa siña studiantenan tocante abstinencia te cu matrimonio mester ta e enfoque di educacion sexual, mientras cu otro gruponan, manera e Sexuality Information and Education Council for the United States (SIECUS), ta bisa cu educacion sexual comprensivo ta prepara hobennan pa relacionnan saludable.

“Nos nunca lo manda un soldaat den guera sin entrenamiento of e recursonan cu nan mester pa mantene nan safe...pues pakico ta OK pa nos manda hobennan universidad sin e informacion cu nan mester pa proteha nan mes?” segun Michelle Slaybaugh, director di politica y abogacia pa SIECUS.

RIVM: Hende cu Covid Largo no por participa completamente den sociedad

(NLTimes)—Hopi hende cu Covid Largo no por participa completamente den sociedad. E sintomanan persistente, specialmente un falta di energia, ta impacta nan habilidad pa bay scol of trabao y afecta nan relacionnan social, RIVM a reporta despues di su di 12 encuesta kwartaal riba e topico di Covid Largo.

Tres por ciento di mas cu 12,000 respondiente (12 aña bay ariba) cu RIVM a encuesta tin Covid Largo—sintomanan cu ta persisti mas despues di un infeccion di Covid-19. E porcentahe ta igualmente halto entre hoben- y adultonan.

“Long Covid tin un efecto riba trabao, estudio of scol pa



hende hoben y adultonan,” RIVM a descubri. Casi mita di hende hoben a bisa cu esaki a impacta nan scol y estudionan—27 porcentahe ta asisti

menos les, 20 por ciento no ta bay les mes of a deregistra.

Entre adultonan, 34 por ciento a bisa cu nan ta traha

menos of a stop di traha. Un otro 12 por ciento a indica cu nan no tin un trabao. “Covid Largo por contribui na esaki,” RIVM a bisa.

Un quinto di hobennan y un kwart di adultonan tambe a indica cu nan tin menos of no tin contacto cu nan amigo- y famianan debi na e malesa. “Un motibo comun pa esaki ta cu no tin energia,” RIVM a bisa. “Nan tambe ta mira menos hende pasobra nan ta participa den menos actividad social.”

Ambos hende jong y adultonan a nota cu nan contactonan social no ta invita nan mas, purbando di spaar nan cu e miho intencionnan. “Pero tambe nan ta sinti exclui como resultado,” RIVM a bisa. Solamente un par respondiente a indica cu nan a desaroya un miho relacion cu famia of amigonan desde cu nan a haya Covid Largo.

Corsou ta keda riba lista shinishi di UE pa falta di cooperacion di impuesto

(CuraçaoChronicle) - Corsou te ainda ta riba Union Europeo su lista di paisnan cu no ta completamente coopera cu topiconan di impuesto, segun confirmacion di e Ministerio di Finanzas.

Apesar di e esfuersonan andando di parti di e isla pa cumpli cu a standardnan cu Organization for Economic Co-operation and Development (OECD) a stipula, Corsou ta keda riba e lista pa awo. Un evaluacion clave di su cuadro legal pa e intercambio automatico di informacion financiero no lo keda publica te cu november.

E Union Europeo a pone Corsou riba e lista shinishi a causa di deficiencianan cu a identifica den su sistema pa e intercambio automatico di informacion financiero. E fayonan aki a ser enfatisa pa Global Forum, un curpa dentro di OECD responsabel cu e monitoreo di transparencia internacional di impuesto. E Union Europeo ta evalua e lista cada 6 luna, y Corsou t anticipa di keda riba e lista te cu por lo menos februari di 2025.

Minister di finanzas Javier Silvania a reitera cu Corsou ta comprometi na e nivel politico mas halto pa atende e de-



ficiencianan aki pa fin di aña.

Union Europeo su Code of Conduct Group ta evalua tercer paisnan riba transparencia di impuesto, practi-

canan di impuesto dañino y medidanan pa evita evacion di impuesto. Nacionnan cu no logra cumpli cu e standardnan aki ta pone sea den black list of grey list. Corsou

a expresa su determinacion pa rapidamente cumpli cu e standardnan aki y ta trahando di cerca cu partnernan internacional pa implementa e reformanan necesario aki.

Educacion te ainda tin diferencia di genero persistente

(CuraçaoChronicle) - Educacion na Corsou ta luchando cu un diferencia di genero persistente, cu mucha hombernan significativamente mas atras compara cu mucha muhenan.

Esaki a keda revela den un estudio recién ehecuta pa Central Bureau of Statistics (CBS) y investigador Goretti Narain, ken ta analisa e problema den su rapport "The Boy Problem."

E resultadonan ta demostra cu mucha homber ta keda atras na un edad trempan, particularmente den idioma y habilidadnan motor fini. Nan



ta sobrerrepresenta den educacion special y training vo-

cacional, mientras cu mucha muhenan ta domina e nivel-

nan academico mas halto. E causa di e diferencia aki ta

ambos den sociedad y biologia, cu mucha hombernan ricibiendo menos sosten for di mayornan y docentenan. E falta di atencion aki ta causa frustracion y den varios caso, ta causa cu e mucha ta kita for di scol na un edad trempan.

Narain ta boga pa bolbe diseña e -sistema di educacion pa acomoda di miho manera e estilo di siña di mucha hombernan. Ambos estudio ta haci yamado pa un cambio structural pa mehora e mucha hombernan su chens den educacion y fortalece e rol cu nan ta hunga den sociedad.

Gobierno ta lansa proyecto piloto pa atende sobrepoblacion di cachonan y pushinan

(CuraçaoChronicle) - Ministerio di Salud, Ambiente y Naturalesa (GMN) a lansa un proyecto piloto awe den e bario di Tera Kora cu e meta di atende e sobrepoblacion di cacho y pushinan.

E problema aki ta motiva pa e falta di sterilisacion y conscientisacion publico, cual hopi biaha ta resulta den e doñonan di mascota cu no por cuida apropiadamente di nan bestianan.

Tin varios organisacion cu ta dedica na e bienestar di bestia cu lo participa den e proyecto.

E proyecto ta un esfuerso colaborativo entre e Ministei-ro, organisacionnan di bienestar



di bestia y polis local. E meta ta di educa e residentenan tocante e ley di bienestar di bestia, cual a drenta den eecto

dia 1 di januari den 2023 y ta reconoce e balor di bestianan. E ley aki ta obliga e doñonan di mascota provee e cuido

necesario, registra y identifica nan mascota.

E campaña lo informa tambe

e bario su residentenan tocante nan responsabilidadnan, e importancia di sterilisacion y e rekisito legal di mantene nan mascota riba nan propiedad. Ademas di aumenta e conscientisacion, pasonan practico lo ser tuma pa atende e problema en termino largo, manera un programa di sterilisacion y implementacion estricto di e ley.

Media lo mantene e residentenan informa tocante ki tempo nan bario lo ta e proximo pa educacion y sosten. Despues di esaki, residentenan por contacta Rescue Paws Curaçao of otro organisacionnan cu participa pa mas informacion tocante e sterilisacion y registracion di microchip.

WINAIR

a world of opportunities await



Winair offers a dynamic environment where individuals can take their careers to new heights.

As a company committed to creating a positive impact with every interaction, we invest in our employees, empowering them and strive to be an excellent workplace for ambitious professionals. Our team is dedicated to providing exceptional service and creating unforgettable experiences for our passengers. Whether you're seeking a challenging role in aviation or looking to contribute to a company that values growth and innovation, Winair offers a variety of exciting opportunities to help you reach your career goals.

Join our team and be part of an uplifting force that makes a difference in the lives of our passengers and communities. We are currently looking for

CUSTOMER SERVICE AGENT

Join our dynamic team and provide exceptional service to our passengers. As a Customer Service Agent at our sales location in Curacao, you'll be the face of our airline, ensuring a smooth and enjoyable travel experience.

Scan the QR code on this page to see our full vacancy description on our career page.

CABIN CREW

Embark on a dynamic career as a Cabin Crew member. Join our friendly and dedicated team - based in St. Maarten and provide exceptional service to our passengers while flying to exciting destinations around the Caribbean.

Scan the QR code on this page to see our full vacancy description on our career page.

GROUND SERVICE EQUIPMENT MECHANIC

Contribute to the safe and efficient operation of our fleet. As a Ground Service Equipment Mechanic based in St. Maarten, you'll maintain and repair our aircraft ground support equipment, ensuring their reliability and performance.

Scan the QR code on this page to see our full vacancy description on our career page.



& MORE

scan the QR code or visit our career page on our website for the full descriptions of these and more vacancies, as well as further vacancy application details

<https://www.winair.sx/careers>

Peru: Casonan di HIV ta sigui aumenta

(Infobae) – Epidemia di Virus di Inmunodeficiencia (HIV) a aumenta na Loreto, cu a bira e di dos departamento cu mas caso despues di Lima. Den e region aki di Amazonia cu ta cubri 60% di e teritorio nacional, ta falta programanan di prevencion y tratamiento adecua pa atende e problema.

Loreto a bira e di dos region cu mas caso di HIV na Peru, segun e ultimo datonan oficial di Ministerio di Salud (Minsa), divulga pa e dokter infectologo Juan Celis ken a bisa cu “E epidemia ta avansando den e region sin ningun tipo di iniciativa di salud publico pa enfrente e reto aki,” e especialista ta enfatisa.

Pa loke ta trata porcentahe di casonan di HIV registra na 2024, Lima ta lider cu 46%, sigui pa Loreto cu 9%, Callao cu 7%, Lambayeque, La Libertad y Arequipa cu 6% cada un. E aumento aki na Loreto ta significativo, ya cu e region a pasa di di tres pa di dos luga



den e ranking nacional.

Ademas, na e ora di analisa e cantidad di casonan pa cada 100 mil habitante, Amazonas ta ocupa prome luga, sigui pa Ucayali y Loreto. E indicador aki ta resalta e seriedad di e situacion den e regionnan aki, unda e incidencia di HIV ta particularmente halto.

Acceso na tratamento anti-retroviral den Amazonia Peruano ta limita y hopi mester biaha distansianan largo pa ricibi cuido medico. Ademas, un falta di educacion y conscientisacion tocante HIV ta contribui na e continuacion di stigma y discriminacion.

E falta di iniciativanan di salubridad publico na Loreto ta preocupante, ya cu e region ta enfrente un aumento significativo di casonan di HIV. E ausencia di programanan adecua di prevencion y tratamiento por bira pio e situacion mas ainda, poniendo e salud di e poblacion na peligro.

E situacion na Loreto ta refleja un problema mas amplio den e pais, unda cu varios region ta mirando un aumento di casonan di HIV sin un respuesta efectivo di parti di autoridadnan di salud.

Den e region inmenso di Amazonia di Peru, hendenan muhe cu ta biba cu HIV ta enfrente retonan significante debi na falta di acceso na tratamiento adecua y discriminacion social. Un rapport di Volcanicas na 2022, a splica con e situacion di hende muhe aki ta critico den e departamentonan di Loreto, Madre de Dios y Ucayali.

Den añanan 1990, machismo y stigma pa cu hende muhe cu HIV tabata comun. E discriminacion aki, hunto cu e situacion economico y social den e region, tabatin un impacto negativo riba e salud di hopi hende muhe. Falta di informacion y datonan riba e situacion di hende muhe cu HIV den Amazonia Peruano ta pone problema mas pio ainda.

Colombia y Portugal a firma acuerdo pa produccion y personalisacion di paspoort

(Infobae) – Riba e atardi di ayera diaranson gobiernonan di Colombia y Portugal a formalisa un paso importante den nan cooperacion bilateral firmando un memorandum di entendimiento cu lo permiti ambos pais traha hunto den e produccion y personalisacion di paspoort, documento di biahe y identificacion di visa pa Republica di Colombia.

E acuerdo firma pa representantenan di ambos gobierno, cu participacion di e minister di Asuntonan Exterior di Colombia, Luis Gilberto Murillo, ken a destaca e relevancia di e aliansa aki a bisa “Awe mi ta contento di firma e memorandum di entendimiento aki cu Gobierno di Portugal, cu cua nos cuminsa un modelo nobo pa dunamento di e servicio publico importante aki. Nos tin un aliansa strategico den diferente area y nos relacion a expande, el a profundisa y esaki ta un ehempel mas, e ta un indicado mas,” Murillo a enfatisa durante e ceremonia di firmamento. Segun e canciyer, e acuerdo



no solamente ta fortalece e relacionnan entre Colombia y Portugal, pero tambe ta representa un progreso significativo pa e pais Sur Americano.

“E acuerdo di cooperacion aki ta permiti sector publico pa recupera e maneho di datonan di Colombianonan y ta evita e vulnerabilidad di informacion confidencial di Colombianonan. Mi ta corda den hopi di e debatenan di control politico ey cu Marta a compañía mi ayera nochi, e congresistanan, senadornan y representantenan di dife-

rente partido y di e Segundo Comision di Relacionnan Internacional tabata cla cu esaki tabata un asunto y ta sigui ta un asunto di seguridad nacional, cu esaki nos ta responde na e preocupacion ey.”

Despues el a sigura cu e aliansa aki tambe lo representa un economia di alrededor di 30% den gastonan di produccion, “loke ta traduci den un bahada den e balor di e procedura pa usuarianan. Y aki ta importante pa bisa cu hopi mal informacion a ser presenta cu tabata tin un au-

mento den gastonan of cu tabata tin exceso di gastonan, di ningun manera, al contrario, nos ta haci un reduccion significativo den e balor di e documentonan aki,” Murillo a afirma.

E canciyer tambe a destaca un aspecto crucial di e acuerdo aki: “Despues di mas cu dos decada, Estado ta recupera control riba e datonan di e Colombianonan.” Esaki, segun e funcionario, ta resultado di un esfuerzo conhunto cu a envolvi diferente entidad, manera canciyeria, Agencia Nacional di Defensa

Huridico di Estado y imprenta nacional, entre otro.

Pa e motibo aki, Murillo a gradici e trabou colaborativo, cu a permiti, den su palabranan, “pa evalua diferente escenario y tuma e miho decision.” E memorandum aki ta garantisa cooperacion cu Portugal pa dies aña, na final di cua Colombia lo tin “su propio planta di emision di paspoort,” loke ta representa un adelanto significativo den e maneho di documentonan di biahe.

E acuerdo di cooperacion cu Imprensa Nacional-Casa da Moeda, S.A. di Portugal a keda estableci considerando, “e capacidad, conocimiento y experiencia demostra pa e compania den e asunto aki y tambe su reconocimiento internacional, testnan duna y acreditacion oficial pa organisacionnan internacional ta evidencia den e proceso di invitacion adelanta pa Gobierno Colombiano pa produccion di documentonan oficial y di cooperacion,” nan a señala for di Ministerio di Relacionnan Exterior.

Cuba: Merca ta anuncia sancion contra gobierno pa faya di combati trafico humano

(CiberCuba) – Admin-istracion di presidente Mericano Joe Biden a inclui Cuba dialuna entre paisnan cu no ta haci “esfuerso significativo” pa combati trafico humano y a anuncia e adopcion di sancion contra gobierno di Miguel Diaz-Canel.

Esakinan ta bay keda na vigor te cu ta percibi un cambio di actitud for di autoridadnan riba e isla y nan “cumpli cu standardnan di ley anti-traficacion of haci esfuerso pa cumpli cu esaki.”

A traves di un memorandum presidencial dirigi na Secretario di Estado, cu lo bay presenta den Congreso, presidente Biden ta adverti gobierno Cubano cu Merca “no ta bay provee asistencia no-humanitario of relaciona cu comercio ni permiti fondo pa participacion den programanan educativo y di intercambio cultural di oficial of empleado” di gobierno Cubano durante aña fiscal 2025. E medida aki tambe ta bay afecta Belarus, Nort Korea, Eritrea, Macau, Nicaragua, Rusia y China, entre

otro pais inclui den e memorandum aki.

Segun Marti Noticias, Biden a pidi e directornan ehecutivo di banconan di desaroyo multilateral Mericano y e Fondo Monetario Internacional pa vota contra otorga prestamo of otro tipo di fondo pa Cuba y otro paisnan sanciona pa no coopera den e lucha contra trafico humano.

E medida aki proponi pa Merca ta exclui fondo destina pa asistencia humanitario of comercio di producto basico.



Guyana: Equinor, Exxon, Chevron entre 27 oferta pa mercadea azeta



(Stabroeknews) – Dialuna a habri destaho pa mercadeo di azeta di Guyana pa proximo aña fiscal y tabatin 27 oferta, incluyendo nombernan grandi manera Equinor, Chevron, ExxonMobil y Shell.

A habri e destaho na e National Procurement and Tender Administration Board.

Esnan cu a haci oferta tabata: Equinor – Noruega; Trafigura Pte LTD – Singapur; Oando Plc- Nigeria; Mer-

curia Energy Trading S.A. Suisa; BP Oil International Limited – Reino Uni; BK Holdings Limited- REINO UNI; ExxonMobil Sales and Supplies LLC – Merca; Petraco Oil Company Limited-Guernsey; Shell Western Supply and Trading Limited-Bahamas; Adnoc Trading Limited- United Arab Emirates; POTSA Total Energies Trading SA- Suisa; Chevron Products Company-USA; VB Energy Trading Limited-London; Cathay Petroleum Limited- Hong Kong; Gun-

vor SA- Suisa; Glencore Energy UK Limited; API Oil UK Limited; Vitol SA Suisa (1 hour 7); Socar Trading S.A. Suisa (1 hour 10) bid 19; Springfield Energy Limited – Suisa; Bono Energy Limited-Nigeria; CNOOC (Trading) Singapore; ENI Trading and Shipping Inc-Merca; Petrochina International (America) Inc- Merca; JE Energy Limited –London; Unitec America Inc- Merca; SISPRO Inc – Guyana.

Haiti: Investigadornan ta acusa tres miembro di conseho presidencial transicional di corrupcion

(AP) — Un agencia anti-corupcion na Haiti riba diaranson a acusa tres miembro di e conseho presidencial transicional di e pais di soborno den rapport fuerte cu ta menasa di desestabilisa e estabilidad politico fragil di e pais.



Smith Augustin, Emmanuel Vertilaire y Louis Gérald Gilles ta acusa di existi mas di \$750mil for di director di Banco Nacional di Credito, propiedad di gobierno, pa sigura su posicion, segun e Unidad pa Combati Corupcion a bisa den su rapport.

“E mensahe ta cla. Niun hende ta riba ley di nos republica!” segun Hans Joseph, director di e unidad, mientras el a detaya e acusacionnan di corrupcion durante un conferencia di prensa unda el a revela e rapport. Su tras tabata al menos seis investigador bistiendo pechi y tapaboca, scondiendo nan identidad.

E rapport ta un golpi significativo contra e conseho di nueve miembro y ta spera di destrui mas ainda e confiansa di pueblo den dje. E conseho a keda nombra anteriormente e aña aki despues cu violencia di gang a forsa e ex-prome minister di e pais pa renuncia, lagando Haiti sin un lider. E conseho ta traha banda di prome minister Garry Conille y ta encarga di yuda mancha e pais.

No tabata inmediatamente cla si e conseho lo tuma accion contra e tres miembro, cu no a contesta mensahe pidiendo comentario.

Impunidad ta amplio na Haiti hasta mientras e Unidad pa Combati Corupcion ta continua su accion contra oficialnan do gobierno.

E agencia a acusa Gilles di organisa un reunion dia 25 di mei entre miembronan di e conseho, e ex-director Raoul Pascal Pierre-Louis, y consul Haitiano Lonick Leandre na e Royal Oasis Hotel den capital di Port-au-Prince, unda a haci e exigencia pa mas di \$750mil.

Segun e rapport, Pierre-Louis a bisa investigadornan cu Gilles y Leandre a tuma su

celular y esun di otronan presente prome cu e reunion a cuminsa. “Prome mi a kere e tabata un joke,” a cit’e bisando.

Despues di e reunion Pierre-Louis a menciona e exigencia na varios oficial, incluyendo prome minister Garry Conille y un hues.

Pierre-Louis e ora a programa un di dos reunion na su cas “pa continua e discusionnan,” cu solamente Augustin y Gilles presente. Incapaz di por bin cu e mas di \$750mil, Pierre-Louis a propone na su lugar pa regla prestamo of linea di credito, segun e rapport. Potret di e cena a keda comparti despues cu investigadornan.

Autoridadnan a bisa cu cuatro linea di credito a keda regla pronto, tres di nan hasta \$20mil cada un pa e miembronan di conseho acusa, y un di cuatro di hasta \$13,500 pa Leandre.

E tres miembro di conseho y e manager di banco tur ta enfrenta cargonan criminal di soborno y corrupcion, e unidad anti-corruption a bisa. Leandre ta enfrenta cargo di instiga pago di soborno. Ningun di nan tabata disponible pa duna comentario.

Awo ta spera cu un hues ta bay revisa e hallazgonan di e rapport y emiti orden di aresto si ta necesario. Augustin anteriormente a fungi como embahador Haitiano na Republica Dominicana, Gilles ta un ex-senador y Vertilaire ta un ex-hues investigativo.

E rapport a nota cu tur cinco a rechasa e acusacion, agregando cu Vertilaire a bisa investigadornan, “E lo ta absurdo di mi parti pa existi placa di un persona cu mi no ni conoce, for di un hende cu mi a mira pa prome biaha.” E agencia tambe a haci un yamado pa gobierno Mericano extradita Pierre-Louis.

Dokter cu a yuda provee ketamina na Matthew Perry ta declara su mes culpabel na e cargo



(AP) - Un dokter na San Diego acusa en conexion cu Matthew Perry su sobredosis fatal a declara su mes culpabel diaranson na conspiracion pa distribui e medicamento anestetico pa operacion ketamina.

Dr. Mark Chavez, di 54 aña,

a haci esaki den corte federal di Los Angeles, birando e tercer persona den admiti culpa despues di e celebridad su morto aña pasa.

Fiscal a ofrece menos acusacion na Chavez y dos otro a cambio di nan cooperacion si nan duna informacion contra

otro 2 sospechoso considera responsabel pa e morto a causa di sobredosis: otro dokter y un supuesto dealer cu aparentemente tabata conoci como “e reina di ketamina” di Los Angeles.

Chavez ta liber bao fianza te ora cu e ricibi su sentencia. El a entrega su paspoort y a acepta entrega su licencia medico, entre otro condicionnan.

Su abogado, Matthew Binninger a bisa cu den Chavez su prome apariencia den corte dia 30 di augustus cu e tabata “sumamente repent” y ta “purbando di haci tur loke e por pa coregi e eror cu el a comete.”

Tambe trahandocu e fiscalnan federal ta Perry su asistent, ken a admiti cu el a yuda



obtene y inyecta e ketamina y un conocido di Perry ken tabata e mensahero pa e droganan.

Tur tres ta yudando e fiscalnan mientras nan ta persegui nan sospechoso principal” Dr. Salvador Plasencia, acusa di bende ketamina ilegalmente na Perry e luna prome cu su fayecimento y Jasveen Sangha, e supuesto dealer cu a bende e dosis letal na e actor. Ambos a eclara nan mes inocente y ta wardando nan huicio.

Chavez a admiti den su acuerdo cu el a obtene ketamina for di su clinica anterior y un distribuidor unda el a entrega un receta fraudulento.

Bao ley e lo por haya un sentencia di te hasta 10 aña den prizon ora cu e ser sentencia dia 2 di april, sinembargo e ta hopi probabel di ricibi hopi menos cu esey a causa di su trato y e cooperacion cu fiscalnan.

Perry su asistent a hay’e morto dia 28 di october aña pasa. E examinador medico a declara cu ketamina tabata e causa primario di su morto. E actor tabata usando e medicamento via su dokter regular como un tratamiento legal pero no oficial pa depresion cu ta birando cada biaha mas comun.

Perry a cuminsa pidi mas ketamina di loka e dokter tabata dune. Alrededor di un luna

prome cu e actor su morto, el a haya Plasencia, ken den su turno a pidi Chavez pa obtene e medicamento p’e.

“Mi ta imagina cuanto e mongol aki lo paga,” Plasencia a bisa Chavez via mensahe, segun e documentonan di corte cu fiscalnan a trece dilanti. Ambos a topa otro na Costa Mesa, mita caminda entre Los Angeles y San Diego, y a intercambia por lo menos 4 tubo di ketamina.

Despues di a bende e medicamento na Perry pa 4,500 dollar, Plasencia aparentemente a puntra Chavez si e por sigui provee nan pa e por bira Perry su proveedor segun e fiscalnan.

Abogado mericano Martin Estrada a bisa or di anuncia e acusacionnan dia 15 di augustus cu e “dokternan a probecha di Perry su historia di adiccion durante e ultimo lunanan di su bida aña pasa pa provee ketamina den cantidadnan cu nan tabata sa ta peligroso.”

Perry a lucha cu adiccion pa añanan largo, for di tempo cu e tabata den “Friends” y a bira un di e celebridadnan mas grandi di su generacion como Chandler Bing. El a actua banda di Jennifer Aniston, Courteney Cox, Lisa Kudrow, Matt LeBlanc y David Schwimmer pa 10 temporada di 1994 te cu 2004 riba NBC su megahit.



Aruba Bank ta uni forza cu “Ride for the Roses” den lucha contra cancer

Aruba Bank ta orguyoso di anuncia un compromiso di tres aña como e patrocinador bancario di e evento “Ride for the Roses,” organisa pa One Happy Bike Island Foundation (OHBI) pa sostene Koningin Wilhelmina Fonds (KWF). E conferencia di prensa pa anuncia e alianza aki a tuma lugar awe mainta na Aruba Bank.

E evento “Ride for the Roses,” programa pa tuma lugar dia 3 di November 2024, ta enfoca pa crece e conscientisacion, recauda fondo pa combati Cancer y pa duna sosten vital na pashentnan y nan famianan na Aruba. E evento lo conta cu diferente actividadnan di deporte, manera caminata, coremento, ciclismo, y natacion, y lo tuma lugar dilanti Amsterdam manor na Eagle Beach. Aruba Bank su compromiso financiero y alianza strategico lo contribui pa yuda e pashentnan di Cancer via KWF directamente.

“Nos ta honra pa colabora cu One Happy Bike Island Foundation pa sostene e ‘Ride for the Roses,’ di Koningin Wilhelmina Fonds, segun Tamara Waldron, Regional Marketing and Branding Manager, a bisa. “E compromiso aki ta alinea cu nos balornan y nos dedicacion pa sostene iniciativa di salud riba nos isla. Nos compromiso ta pa haci un impacto positivo den nos comu-



nidad, y atravez di e alianza aki, nos ta spera pa trece conscientisacion y apoyo pa esnan cu ta sufri di Cancer na Aruba y nan famia.”

Representando e fundacionnan organisador na e conferencia di prensa tabata Jurgen van Schaijk-Amsterdam Manor, Hilde Rodriguez-Taekema y Paul Cremers-Tri-Bike Aruba, cu ta instrumental den e iniciativa importante aki.

Atravez di e partnership aki, Aruba Bank ta aspira no solamente pa yuda den e lucha contra Cancer, pero tambe pa amplia su rol como un organizacion cu ta asumi responsabilidad social. Aruba Bank ta hopi contento pa participa activamente den e evento di “Ride for the Roses” y pa traha hunto cu KWF y OHBI pa logra un impacto positivo y duradero riba e bida di esnan na Aruba.



Prins Harry ta bishita reino chikito di Lesotho, unda nan ta yam'e "e guerero"



(AP)—Prins Harry ta bishitando e reino chikito di Lesotho despues di a co-funda un caridad hubenil eyan na 2006 den honor di su difunto mama, Prinses Diana.

E Duque di Sussex a cuminsa su bishita diamars reuniendo cu hobennan y compartiendo experencianan. El a haci un bishita di cortesia na e prome minister di Lesotho Sam Matekane ayera.

Harry, ken a cumpli 40 año luna pasa, tambe lo bishita Johannesburg na Sur Africa durante su biahe di cuatro dia pa e parti sur di Africa, su prome pa e region den cinco año. Su casa, Meghan Markle, y yiunan Archie y Lilibet no a biaha cune.

Harry a co-funda e caridad Sentebale cu Prinse Seeiso di Lesotho inicialmente pa yuda hobennan afecta pa HIV/AIDS. E caridad ta traha den Lesotho y Botswana y a transforma den un organisacion cu ta aporta na mucha- y hobennan mientras nan ta enfrenta varios retonan relaciona cu salud, desigualdad y clima.

Sentebale ta nifica "no lubida di mi" den e lenguahe Sesotho, y prinsnan a establec'e den memoria di nan difunto mamanan. "Nos ta construyendo un forsa di defensornan hoben y ora nan ta podera pa usa nan bos, e forsa di nan impacto lo ta inmenso," Harry a conta e hobennan y otronan conecta na su caridad durante un encuentro rond di kampvuur. "Kisas bo no ta realisa con significante bo influencia ta, pero si e cambia hasta 1 bida, e ta bale la pena."

E encuentro a tuma luga na un centro infantil funda pa Sentebale den e pueblo historico di Thaba Bosiu, cual tabata e capital di Lesotho. Seeiso, 58, a yama Harry su ruman chikito, y a recorda tur hende cu Harry tin un titulo Africano cu Seeiso a dun'e. Seeiso a bisa cu Harry ta conoci tambe como "e guerero" na Lesotho.

E tata di Seeiso, Rey Moshoeshoe II, a muri den un accidente di auto na 1996, un año prome cu Prinses Diana a muri na Paris. Lesotho, cual tin biaha ta ser yama "e reino den shelo" pa via di su paisahe montañoso, ta celebra su Dia di Independencia mañan y tambe e año aki ta marca 200 año desde a funda e pais. E conexon di Harry cu Lesotho, un nacion di 2.3 milyon hende completamente rondona pa Sur Africa, a cuminsa ora el a bishita e pais despues di stop cu scol y a traha cu muchanan huerfano.

"Lesotho semper lo ta un segundo cas pa Prins Harry, y nos semper ta agradecido pa su dedicacion," Matekane a bisa, invitando Harry pa ta parti di e celebracionnan di independencia. E ruman mayor di Harry, Prins William, ta planeando pa bishita e parti sur di Africa otro luna, unda e lo biaha pa Cape Town, Sur Africa, pa e Earthshot Prize, un premio di medio ambiente global cu el a lansa via su Royal Foundation.

Rapero Rich Homie Quan a muri for di un overdosis accidental, segun examinador medico ta bisa

(AP)—Rapero Rich Homie Quan a muri for di un overdosis accidental, segun e oficina di e examinador medico na Georgia a confirma.

E causa di morto di e artista di hip-hop, naci Dequantas Devontay Lamar, tabata for di un variedad di droga manera fentanil, alprazolam, codeina y promethazine, segun un vocero pa e oficina di examinador medico di Fulton County a bisa ayera.

Quan no a muestra ningun señal di trauma ora a descubri su curpa. Su ruman homber a conta polis cu el a pensa Quan tabata drumi riba vloer cerca di e cushina prome cu el a gara e rapero y pone riba sofa, bisando cu tabata "hopi

inusual" pa mira cuminda ainda den su boca.

Mas despues e mainta ey, un dama a yama polis pasobra el a ripara cu e curpa di Quan tabata friu y e no tabata halando rosea. Quan, 33, ken a muri na un hospital na Atlanta dia 5 di september, tabata un di e nombrenan mas grandi den hip-hop den e añanan 2010. El a haya fama comercial danki na su cancionnan "Flex (Ooh, Ooh, Ooh)" y "Type of Way", cual a bira asina exitoso cu varios otro rapero a participa den e remix, incluyendo Jeezy y Meek Mill.

Quan a aparece riba un cancion di rapero YG cu Jeezy y a publica e cancion "Lifestyle" via su colectivo rapero yama Rich Gang cu a inclui Young Thug



y Birdman. Quan a sigui cu "Flex (Ooh, Ooh, Ooh)," un cancion produci pa DJ Spinz y Nitti Beatz. Esaki a bira su cancion solo cu a alcanza mas halto riba e Billboard Hot 100, riba posicion 26. Tambe el a aparece riba e cancion viral di Lil Dicky "Save Dat Money."

Na 2018, Quan a debut su prome y unico album "Rich as in Spirit."

ENCUESTA NACIONAL TRAFICO SIGUR

BO CONTRIBUCION POR YUDA HACI TRAFICO MAS SIGUR

Informacion Demografico

Genero: *

☐ Femenino

☐ Masculino

☐ Prefera di no bisa

☐ Other

Edad: *

☐ 18-24

☐ 25-34

☐ 35-44

☐ 45-54

☐ 55-64

☐ 65+

Na cual distrito

SCAN E QR CODE PA PARTICIPA

TUR CU PARTICIPA POR GANA PREMIO ATRACTIVO

- 1 1 AÑA SEGURO DI AUTO PAGA**
- 2 1 AÑA NUMBER DI AUTO PAGA**
- 3 BON DI GASOLINE / DIESEL NA BALOR DI AWG. 250,-**

Doño di Bally Sports lo por tin derecho na solamente Atlanta Braves den baseball otro temporada

(AP)—Diamond Sport Group, e doño mas grandi di rednan di deporte regional, por ta dispuesto pa locuta weganan di solamente un ekipo di Major League Baseball otro temporada.

Durante un audiencia den e U.S. Bankruptcy Court na Houston ayera, e operador di e rednan di deporte regional Bally Sports a indica cu e lo anula contract cu shete team pa e temporada di 2025.

Como parti di su plan reorganisa, Diamond ta planea pa anula e contractnan di Detroit Tigers y Tampa Bay Rays y pa purba reestablece e acuerdo di e cinco cadenan cu ta doñonan parcial di nan rednan di deporte regional—e Cincinnati Reds, Kansas City Royals, Los Angeles Angels, Miami Marlins y St. Louis Cardinals.

E Cleveland Guardians, Milwaukee Brewers, Minnesota



Twins y Texas Rangers tin contractnan cu a vence na fin di e temporada regular. Esey lo laga Atlanta Braves como e unico cadena di ken su contract no lo cambia.

Abogadonan pa Diamond a bisa durante e audiencia cu e compania a entrega puestanan na e 11 ekipo cu no ta bao contract, a rechasa acuerdo of ta den negoshi conhunto. Diamond Sports ta den procedemento di

bancarota den e distrito sur di Texas desde cu el a pidi pa proteccion na maart 2023. E compania a bisa den un petition financiero aña pasa cu e tabatin un debe di 8.67 biyon dollar.

“Awe ta marca un stap importante pa dilanti pa Diamond cu e entrega di un plan basico pa permiti nos sali for di bancarota como un negoshi viable prome cu fin di aña,” Diamond Sports a bisa den

un declaracion. “Nos ta kere firmamente cu via nos ofertanan linear y digital, nos a crea e miho motor economico pa tur nos partnernan.”

Abogado di Diamond Andrew Goldman a bisa durante e audiencia di 30 minuut cu discusionnan ta andante ainda cu tur ekipo. Abogado pa MLB James Bromley a bisa cu e tabata sorprendi tocante e plan di reorganizacion y a bisa cu nan a ser “engaña” mirando cu nan a haya sa di e audiencia apenas dos ora prome cu esaki a cuminsa. “Nos no tin informacion di kico nan ta haciendo,” Bromley a bisa. “Nos no a haya e oportunidad pa evalua y nos ta dilanti corte y nan ta puntra nos pa duna comentario.”

Durante dos temporadanan pasa, MLB mester a tuma over e locucionnan di e San Diego Padres, Arizona Diamondbacks y Colorado Rockies despues cu no por a yega na un acuerdo. Gold-

man tambe a bisa durante e audiencia cu Diamond ta “riba caminda pa haya un partner nobo, cual ta un desarojo grandi pa e compania como tambe un acuerdo comercial cu un of mas partner di locucion den cuadra di e derechon digital cu e compania lo tin.”

Diamond tambe tin e derechon di 13 ekipo di NBA y ocho ekipo di NHL.

Hues Christopher Lopez a planea un otro sesion pa dia 9 di october cu un audiencia final riba e plan di reorganizacion pa dia 14 di november. Diamond Sports Group y Sinclair Broadcast Group a cumpra e rednan di deporte regional for di The Walt Disney Co. pa casi 10 biyon dollar na 2019. Disney tabata rekeri pa e Departamento di Husticia pa bende e rednan pa su adkision di e activonan di 21st Century Fox ser aproba.

Un bon maneho financiero y di administracion ta e clave pa un federacion exitoso

Sr. Antione Lobato de Mesquita a comparti conocimiento cu federacionnan riba nivel financiero



Despues di prome 3 siman di e “Capacity Building Training” unda a enfoca riba e parti di bon gobernansa y liderazgo a culmina, a pasa na papia riba e siguiente topico di e curso, e parti di finanzas y administracion.

Sigur un reto pa cualkier fed-

eracion, asociacion of fundacion, ta e parti di hiba un maneho financiero al caso, pa asina por haci mas cu e recursonan limita cu ta ricibi como un organizacion “non-profit”. Como federacionnan miembro di Comité Olimpico Arubano, conocimiento y aplicacion corecto di e materianan aki ta esencial, como

cu e ta forma parti di e proceso tecnico di tur aña pa ora di preparacion pa e siguiente aña calendario.

Mirando e necesidad pa comparti e conocimiento di e temanan aki, a busca un experto cu no solamente ta traha den e mundo financiero, pero cu conoce e mundo deportivo



tambe. Sr. Antoine Lobato de Mesquita ta un accountant y consehero financiero cu mas di 22 aña di experiencia cu a specialisa den “Accountancy y Tax Compliance” na Aruba y Corsou. Despues di un carera exitoso cu EY Dutch Caribbean, el a funda su propio compania, Endura Accounting and Advisory Services. Ademas di su experticio cu ta extende mas leu cu finanzas tradicional, e ta brinda apoyo di “accountancy” na organizacionnan deportivo y diferente entidadnan cu ta duna subsidio. Durante e “workshop” di ayera nochi, su charla a splica hopi di maneho Financiero, particularmente riba e tem-

anan di “Budget”, “Financial Planning”, “Accountability & Transparency Financiero”.

E ta hopi interesante pa mira e gran interes di e 16 federacionnan cu tabata presente ayera nochi, unda cu hopi pregunta a wordo haci, ademas di a cuminsa varios discusion sano pa loke ta trata “best practices” di cada federacion riba nivel administrativo. Na final di e sesion, a gradici Sr. Antoine pa su tremendo presentacion y a dun’e un caluroso bon bini na e famia di COA hunto cu e obsekio cu cada un di e oradornan lo ricibi pa nan ayudo boluntario pa e curso aki.

Feyenoord ta gana partido straño cu dos auto-gol y dos penalty contra Girona

(NLTimes) – Feyenoord a haya nan prome victoria den UEFA Champions League den un partido straño contra Girona na Spaña. Dos di e golnan di e team di Rotterdam a keda anota pa hungadornan di Girona, cu e otro dos converti pa Antoni Milambo, resultando den un victoria 3-2. Ambos team a faya un penalty durante e partido.

Manager Brian Priske a duna defensa Spaño, Hugo Bueno un posicion di comienso pa e partido. Bueno a recupera completamente di un lesion muscular.

Tim Beelen, kende su eror weekend ultimo a resulta den oponente NEC anotando den un empate 1-1, a comete otro eror trempa den e partido, pero Timon Wellenreuther a scapa e intento di Viktor Tsygankov e ocasion aki.

Girona a tuma e bentaha den minuut 20. Un skina a cay den pia di defensa David Lopez, kende a fors'e cas for di cerca pa haya e prome gol den historia di Girona den Champions League.

Pero e bentaha no a dura hopi ya cu Feyenoord a empata dos minuut despues. Un tremendo pase di Igor Paixao a bay den un cabezasazo di Quinten Timber riba curpa di Yangel Herrera prome cu e bay den



e gol. Feyenoord a tuma e bentaha dies minuut despues. Lopez a bay di "hero to zero" ya cu su pase a keda intercepta pa Paixao, kende a mand'e instantaneamente den caminda di Antoni Milambo. E centrocampista jong trankilamente a manda portero Paolo Gazzaniga e banda robes.

E banda na cas no a siña di nan eror, ya cu otro perdida di posesion patras a duna Feyenoord un chens enorme pa duplica nan bentaha. Pase di Gazzinga a bay pa Timber, kende a keda tira abao pa Ivan Martin den e box pa un penalty. Ayase Ueda a tuma e penalty pero su esfuerso tabata pover y a keda rechasa pa e portero.

Otro eror defensivo a conduci na e di dos penalty di e partido. Timon Wellenreuther a drop e pase di Bryan Gil den gol di Feyenoord,

a comete un foul riba Bojan Miovski mientras tabata purba di rectifica e eror. Sinembargo, igual cu su contraparti, Wellenreuther a logra drecha su eror scapando e penalty di Miovski.

Dos hungador Hulandes a combina pa anota e gol di empate pa Girona. Arnaut Danjuma a pasa door di tres hungador di Feyenoord prome cu pasa e bala na Donny van de Beek, kende a converti di cerca.

Girona a anota otro auto-gol den minuut 79, dunando Feyenoord e bentaha. Un pase di David Hancko a keda rechasa den e gol pa Ladislav Krejci pa hacie 2-3.

Banda di Priske mester a duplica nan bentaha for di comienso. Hwang In-Beom a hunga un pase perfecto pa Jordan Lotomba, pero su



cabesazo tabata riba e suelo prome cu el a bay amplio.

E partido a hasta caba di manera straño. Girona a reclama un penalty cu e ultimo scop di e partido ora e bala a dal brasa di Julian Carranza. Esaki a resulta den un chequeo di VAR, y ora el a caba, referee Urs Schnyder a fluit pa fin di e partido.

Feyenoord tin tres punto di dos wega den Champions League, despues di a perde contra Bayer Leverkusen si-man pasa. Nan ta enfrenta Benfica den nan proximo partido den e competencia Europeo. Girona a perde ambos wega.

Potret di AP.

Messi back den team di Argentina pa clasificacion di Mundial contra Venezuela y Bolivia

(AP) — **Lionel Messi ta bay bolbe team nacional Argentino pa partidonan Sur Americano di clasificacion di Mundial contra Venezuela y Bolivia.**

E strea di 37 año di edad tabata ausente di partidonan recien pa motibo di un lesion den enkel.

Coach Lionel Scaloni a anuncia su team diaranson pa e partidonan na Venezuela dia 10 di october, y cinco dia despues na Buenos Aires contra Bolivia.

Messi no a hunga den e dos ronda anterior despues di su fri u lesion den final di Copa

America contra Colombia. Argentina a gana 1-0.

Argentina ta lider den clasificacion Sur Americano cu 18 punto, sigui pa Colombia cu 16 y Uruguay cu 15. E top seis team ta clasifica pa Mundial 2026, y e di siete lugar ta hunga un playoff internacional pa un spot.

E team Argentino ta:
Portero: Walter Benítez (PSV Eindhoven), Gerónimo Rulli (Olympique Marseille), Juan Musso (Atletico Madrid)
Defensa: Gonzalo Montiel (Sevilla), Nahuel Molina (Atletico Madrid), Cristian Romero (Tottenham), Germán Pezzella (River

Plate), Marcos Acuña (River Plate), Leonardo Balerdi (Olympique Marseille), Nicolás Otamendi (Benfica), Lisandro Martínez (Manchester United), Nicolás Tagliafico (Lyon)
Medio campo: Leandro Paredes (Roma), Alexis Mac Allister (Liverpool), Enzo Fernández (Chelsea), Giovanni Lo Celso (Real Betis), Nicolás Paz (Como), Exequiel Palacios (Bayer Leverkusen), Rodrigo de Paul (Atletico Madrid), Valentín Carboni (Olympique Marseille)
Delantero: Thiago Almada (Botafoogo), Lionel Messi (Inter Miami), Nicolás González (Juventus), Alejandro Garnacho (Manchester



United), Julián Álvarez (Atletico Madrid), Paulo Dybala (Roma), Lautaro Martínez (Inter Milan).

Bestianan deliberadamente poni den peliger pa videonan di “rescate” riba rednan social

(NLTimes) - Organisa-cion di bienestar di bes-tia ta urgi usarionan di rednan social pa no like, share ni duna donacion na videonan di bestianan cu ta ser rescata.

Varios di e videonan aki ta falsifica, cu bestianan delib-eradamente poni den peliger pa haya like y donacion. “E ta un moda straño: videonan di pushi, macaco of cachonan baby cu ta ser rescata for di situacionnan cu ta menasa

nan bida pero nan a ser poni den e situacion ey deliberada-mente,” Social Media Animal Cruelty Coalition (SMACC) a declara, cual ta inclui World Animal Protection Netherlands. SMACC a investiga e vid-eonan di rescate aki cual fre-cuentemente ta circula riba rednan social y a haya 1,022 falso den un periodo di 76 si-man. E videonan tur tabata extremadamente popular, cu un total di mas di 572 miyon bista.


“E contenido di e videonan ta impactante. Nos a mira pushinan dera bibo y ma-caconan poni contra un col-ebra peligroso. Algun video ta inclui un yamado pa dona-cion, supuestamente pa salba mas bestia. Pero e creadornan aki ta deliberadamente pone den peliger bestianan inde-fenso djis pa un momento di viralidad. E tabata doloroso pa mira,” Sanne Kuijpers di World Animal Protection Netherlands a bisa.



Detayenan tocante New Mexico su demanda contra Snap ta demostra cu e plataforma no a atende reportahe di extorcion sexual

(AP) - Snapchat no a tuma accion contra reportahe di grooming di mucha, extorcion sexual y otro peligernan pa menornan riba su plataforma, segun un keho nobo contra e compania entrega pa New Mexico su procurador general.

Procurador General Raul Torrez a entrega e keho original dia 4 di september, sinembargo mensahenan in-tenro y otro detayenan no a keda revela. Diamars su documento ta revela e men-sahenan interno entre Snap Inc., su empleadonan y ehec-utivonan cu ta provee “mas confirmacion cu Snapchat



su diseño dañino ta crea un ambiente cu ta fomenta ex-torcion sexual, abuso sexual y contacto no desea entre adul-tonan y menornan,” Torrez a

comenta den un comunicado di prensa.

Empleadonan tambe a nota cu e usarionan su repor-

tahenan tocante grooming y extorcion sexual, cual ta con-vence e persona pa manda potretnan explicito online y despues menasa cu haci e potretnan aki publico al me-nos cu e victima paga of haci fabornan sexual, tabata sca-pando for di nan man. A yega un punto, unda un cuenta a keda activo apesar di tin 75 reportahe den su contra a causa di mencion di “nudes, menornan y extorcion.”

Snap a bisa den un declara-cion cu su plataforma a keda diseña cu “seguridadnan integra” y cu e compania a tuma decisionnan tocante e diseño “deliberadamente pa haci dificil pa personanan por

yega na menornan riba nos servicio.”

“Nos ta sigui evoluciona nos mecanismonan y politicanan di seguridad, for di usa tec-nologia avansa pa detecta y blokia cierto actividad, pro-hibi agrega hende a base di cuantanan sospechoso na traha conhuntamente cu au-toridadnan y agencianan di gobierno, entre hopi otro cos,” e compania a comenta.

Segun e demanda, Snap taba-ta altanto pero no a adverti e mayornan, usarionan hoben ni tampoco publico cu “ex-torcion sexual ta plama riba e plataforma, masivo y un problema increiblemente preocupante na Snapchat.”

Union Europeo ta solicita informacion na YouTube, Snapchat y Tiktok tocante algoritmo di contenido

(Reuters) - e comision di Union Europeo (UE) a pidi informaicon diaran-son for di YouTube, Snap-chat y TikTok riba e para-metronan cu nan algorit-mo ta usa pa recomenda contenido na usarionan y nan rol den amplia al-gun riesgo sistematico, in-cludiendo esnan relaciona cu procesonan electoral, salud mental y proteccion di menornan.

E peticionnan, haci bao Digi-tal Services Act (DSA), “tante ta concerni e plataforman su medida pa mitiga e influ-encia potencial di nan sistema di recomendacion tocante plamamento di contenido ilegal, manera promove dro-

ganan ilegal y mensahenan di odio,” e Comision di UE a bisa den un declaracion.

E comision a bisa cu el a pidi informacion adicional na TikTok tocante e medidan-an cu e compania a adopta pa evita e manipulacion di e aplicacion y pa reduci e ries-gonan relaciona cu eleccion y discordia civil.

E companianan di tecnologia mester provee e informacion cu a pidi pa dia 15 di novem-ber segun UE a bisa, despues di cual e comision lo tuma un decision tocante e pasonan cu lo sigui despues, cual por re-sulta den boet.

UE anteriormente a hab-ri procesonan di falta di



cumplimento bao DSA, cual ta rekeri e companianan di tecnologia grandi haci mas

trabao pa combati contenido dañino y ilegal riba nan plata-forma, relaciona cu e reco-

mendacionnan cu Meta su Facebook y Instagram, AliEx-press y TikTok ta haci.

NASA ta paga instrumento riba nave espacial Voyager 2 pa spaar bida di bateria


(AP)—Pa spaar bida di bateria, NASA a paga un otro instrumento científico riba su nave espacial Voyager 2. E agencia espacial a bisa diamars cu e instrumento científico di plasma riba e nave—diseña pa midí e fluho di atomnan carga—a ser paga fin di september pa asina e nave por keda explora mas largo posible, porta te den e añanan 2030.

NASA a paga un serie di instrumentonan riba Voyager 2 y su gemelo Boyager 1 despues cu nan a explora e planetanan di gas gigante den e añanan 1980. Ambos ta actualmente den espacio

interstelar, of e espacio entre e streanan. E instrumento di plasma riba Voyager 1 a stop di traha hopi aña pasa y al fin a paga completamente na 2007.

Cuatro instrumento restante riba Voyager 2 lo sigui colecta informacion tocante veldnan magnetico y particulonan. Su meta ta pa studia e terenonan di espacio mas aya for di e burbuha protector di e solo.

Lansa na 1977, Voyager 2 ta e unico nave espacial pa bishita Uranus y Neptuno. E ta actualmente mas cu 19 biyon kilometer for di Tera. Voyager 1 ta mas cu 24 biyon kilometer for di Tera.



E Webb Telescope di NASA ta detecta rastronan di dioxido di carbono riba e superficie di e luna mas grandi di Pluto

(AP)—E Webb Space Telescope di NASA a identifica pistanan nobo tocante e superficie di e luna mas grandi di Pluto.

El a detecta pa prome biaha rastronan di dioxido di carbono y peroxido hidrogeno riba e superficie di Charon, cual ta aproximadamente mita di Pluto su tamaño.

Investigacion anterior, incluyendo un flyby for di e nave espacial New Horizon na 2015, a revela cu e superficie di e luna tabata cubri di ijs. Pero científiconan no por a observa kimiconan presentando riba cierto longitud di ola infrarrojas te ora cu e

Webb telescop a bin pa yena e buraconan.

“Tin hopi marca di kimicanan cu nos no por a observa sin e telescop,” segun Carly Howett, un científico di New Horizons cu no tabata envolvi cu e estudio nobo. E investigacion a ser publica diamars den e revista Nature Communications.

Pluto, un planeta enano, y su lunanan ta den e renchinan mas leu di nos sistema solar den un zona conoci como e Kuiper Belt. Banda di ijs, a detecta anteriormente amonia y materialnan organico riba Charon. Ambos Pluto y Charon ta mas cu 4 biyon

kilometer for di e solo y lo ta probablemente demasiado friu pa sostene bida.

Científiconan ta pensa cu peroxido hidrogeno por a surgi for di radiacion bulando for di moleculonan di awa riba e superficie di Charon. E dioxido di carbono por a plasma riba e superficie despues di varios impacto, segun co-autor di estudio Silvia Protospapa for di e Southwest Research Institute.

E ultimo deteccion ta clave pa studia con Charon ta existi y por yuda científiconan purba saca e mesun tipo di kimicanan for di luna- y planetanan leu.



Glaciarnan Suisa ta retrocediendo atrobe despues di 2 aña y a pesar di un bon comienso di 2024

(AP)—E volumen di e glaciarnan di Suisa a reduci atrobe e zomer aki, agregando na e efecto negativo di cambio di clima despues di un recorrido di dos aña cu a agota e ijs pa mas cu 10 por ciento, segun expertonan científico a reporta diamars.



E ekipo di observacion criosfera na e Swiss Academy of Sciences a reporta cu temperaturanan halto na juli y augustus, combina cu e impacto tera calor for di e Sahara riba e glaciarnan Suisa, a resulta na un perdida di 2.5 porcien-

to di nan volumen e aña ki.

E reduccion a bin a pesar di condicionnan “extremamente favorable” den juni, segun e academia a bisa, danki na 30 por ciento mas sneeuw den e winter anterior

compara cu nivelnan averahe, nificando cu e glaciarnan tin extra proteccion di sneeuw—prome cu temperaturanan a subi.

“Augustus a mira e perdida mas grandi di ijs registra desde cu a cuminsa cu medida,” e academia a bisa den un declaracion resumiendo e descubrimientonan. “E retiro di e glaciarnan y nan desintegracion ta sigui como un resultado di cambio di clima,” el a bisa, agregando cu e perdida di 2.5 por ciento di volumen tabata mas halto compara cu e nivelnan averahe durante e

ultimo decada.

Expertonan na e red Glacier Monitoring in Switzerland, conoci como GLAMOS, a bisa cu mas di mita di e glaciarnan el a monitoria a perde nan proteccion di sneeuw completamente den zomer. Varios puntonan di medida riba glaciarnan, manera e Plaine Morte y Gries den e parti sur y Silvretta den e este, a registra gradonan di smelt di un meter of mas, e red a bisa den un rapport pa e Swiss Academy of Sciences.

GLAMOS a cita tres fac-


tor: temperaturanan averahe “hopi halto” den juli y augustus; bon tempo den e lunanan ey den cual no tabatin sneeuw fresco; y biontonan den winter y primavera cu a trece cune tera di e Sahara riba e Alpes, causando un efecto di calentamento riba e ijs.

Suisa ta hogar di mayoria glaciarnan den Europa, y a mira 4 por ciento di su volumen total desaparece aña pasa. Esey tabata e segunda reduccion mas grandi den un solo aña riba di un caida di 6 por ciento na 2022.

Accidente pa falta di preferencia na crusada Caya ing. Roland H. Lacle cu Van Leeuwenhoekstraat

Diamars anochi a drenta informe di un accidente na e crusada Caya ing. Roland H. Lacle cu Van Leeuwenhoekstraat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un Hyundai Touring biniendo for di dilanti ex-Baby Back Grill no a para pa duna preferencia na e Kia K3 biniendo for ex-La Fama y e Hyundai a dal e Kia push'e panort pone un wiel riba acera. Afortunadamente ningun hende a resulta herida.



Homber trahando cu grinding machine a corta su cara y man na Sabana Blanco



Diaranson atardi a drenta informe di un incidente na Sabana Blanco unda un homber trahando cu grinding machine lo a corta su cara y hasta su man unda esaki ta colga, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un homber cu ta seriamente herida y ta sangrando profusamente na yegada di e ambulans nan a atende e victima y a transport'e cu urgencia pa hospital.

Polis a bay na Papilon unda un muhe a cana, cay y a keda abao



Diamars anochi a drenta informe di cu tin un auto cu a baha un muhe na Papilon y e muhe a cana y ta cay y a keda abao, me-

sora a dirigi un patruya na e sitio.

Na yegada di e patruya a bin compronde cu aki ta trata di



un muhe cu lo ta bao influencia y pa su mesun seguridad y di otronan a dun'e un lift pa su cas.

Steunpunt di Wardacosta na Aruba tin su hefe nobo

Diaranson 2 di October a tuma luga e ceremonia di trasaso di liderazgo na steunpunt di Wardacosta na Aruba. Hefe saliente, Capitan Randolph Paskel a entrega oficialmente e responsabilidad den man di hefe nobo, Capitan Mark Solognier. E ceremonia a tuma luga den presencia di su excelencia Gobernador Agustín Vrolijk, su excelencia Minister President Sra. Wever-Croes, Director di Wardacosta di Caribe Hulandes, Sr. Walter Hansen, miembronan di Wardacosta, miembronan di famia y demas invitado nan.

Den un ambiente ameno, palabra nan di elogio y admira-

cion a ser comparti cu e publico presente, relaciona cu e logro nan di ambos cabayero. Capitan Paskel a cuminsa su carera na aña 2001 despues di a completa su estudio na Hulanda. Ora e la bin biba bek Aruba, e la cuminsa como e di dos oficial na mando riba e barco Cutter, miho conoci como 'Panter'. Na 2007 e la subi di posicion como hefe di operacion na Aruba y a bira hefe di e steunpunt di Wardacosta Aruba na aña 2009. Despues di a sirbi como e lider di Wardacosta na Aruba pa 14 aña, e la dicidi di cuminsa un reto nobo como hefe di steunpunt na Sint Maarten.

E hefe nobo di steunpunt na Wardacosta staciona na Aruba, no ta un persona descon-

oci den e organizacion. Capitan Mark Solognier a cuminsa su carera na 2007 despues di a completa su estudio na Hulanda. Su prome posicion tabata oficial di e tripulacion riba e Cutter 'Panter'. Na 2011 e la continua desaroya su mes y e la tuma un reto nobo na Sint Maarten como e di dos na comando riba e Cutter 'Poema'. Na 2012 e la bishita Curaçao pa asina ehersce e trabou di supervisor den e Centro Operacional Maritimo di Wardacosta.

Cas ta cas, y na 2014 e la bin bek Aruba, caminda e la bira e capitan riba 'Panter'. Despues di a nabega nos awa nan pa 5 aña e la dicidi di sigui expande su conocimiento dor di tuma e responsabilidad di



hefe operacion. Despues di a pasa den casi tur departamento, a yega e momento pa dirigi y comparti su conocimiento cu su coleganan como hefe di steunpunt di Wardacosta na Aruba.

For di 2023 Mark a cuminsa prepara su mes pa e reto nobo aki y awe, ceremonialmente nos ta yama 'bon bini' na nos hefe nobo di steunpunt di Wardacosta Aruba.

Comision Trafico Sigur cu encuesta nacional

Comision Trafico Sigur di Ministerio di Husticia y Asuntonan Social ta lansa su prome Encuesta Nacional tocante Siguridad den Trafico.

Por medio di e comunicado aki un apelacion ta wordo haci na henter nos comunidad pa activamente participa na e encuesta aki. Opinion y experiencia di cada persona ta conta y por contribui na cambionan den maneho pa yuda mehora siguridad den trafico. Hasta personanan cu a pasa den accidente durante di e ultimo 3 aña ta wordo pidi pa comparti nan experiencia. E encuesta aki lo tuma luga Online pero tambe lo tin encuentro cu comunidad. Ademá di e encuesta, un Focus group cu stakeholders lo wordo organisa pa asina scucha

sectornan relaciona cu trafico.

Debi na e cantidad di accidente cu por wordo preveni ta keda haltu, esaki ta muestra e necesidad urgente pa mehora siguridad riba nos carteranan. Comision Trafico Sigur for di inicio ta convenci cu e participacion di e comunidad ta esencial pa desaroya solucionnan efectivo pa e retonan actual riba caminda di Aruba. Cu e encuesta aki, Comision Trafico Sigur kier tin un bista amplio di con sigur comunidad ta sinti riba caminda y tambe pa identifica areanan cu por wordo mehora.

Con pa Participa

E encuesta ta habri pa tur residente y usuario di trafico di Aruba, sea ta automobilista, motociclista, ciclista, peaton

etc.

Participante mester ta biba na Aruba y tin un edad di minimo 18 aña pa comparti su opinion. Pa participa por bay na traficosigur.aw/survey y scoge bo idioma preferi (Papiamento of Ingles). E encuesta tin un duracion di entre 5-7 minuut y ta anonimo y confidencial.

Pa esnan cu kier participa pa gana premio, lo tin regalo como 1 aña di seguro pa auto, 1 aña number di auto, y bon pa gasolin of diesel. Esaki ta opcional, pero si bo kier participa pa gana, mester registra bo nomber y e-mail.

Participa na e encuesta y contribui pa un trafico mas sigur. Salba bida, Scoge pa Siguridad.




Herfst Vakantie Camp di GLW Foundation

























GLW Foundation organisadornan di Miss Teen Aruba y Miss Turismo ta organisa un dushi siman di Camp na Plaza Betico Croes di dialuna 7 october pa diabierna 11 october di 8:00 am pa 5:00 pm pues henter dia e muchanan lo pasa na Plaza Betico (den airco) y lo siña hopi cos durante e siman.

Lo tin hersengymnastiek, lectura di Famia Planea, Fundacion Mi Voz ta Voz. Tambe nan lo siña actuacion y lo actua un sketch, siña graba

propaganda, modelo pa un dia y seccion di potret, kleur y mucho mas. E camp aki ta specialmente pa muchanan di scol basico di 6 pa 12 aña. Durante e dia tur participante lo haya cos pa come y bebe. Si mayornan ta desea pa nan yiu(nan) pasa un siman disfrutando pero tambe siñando y socialisando, por WhatsApp na 561-6151 y aparta e lugar pa e mucha ya cu lugar ta limita. Ban laga nos muchanan gosa hunto den nos Herfst Vakantie Camp di GLW Foundation.

Resultado Sorteo october 2			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
9322	8746	6725	0184
4358	3904	SUPER5	1100
0416	6199	-	4594

MERDIA	ANOCHI		
 Sorteo # 4406 2926 7184 4050  FP  Sorteo # 4406 0156  FP  Sorteo # 2462 0935  Sorteo # 4406 5423 Cancer  Sorteo # 1280 469  X2	 Sorteo # 8362 2878 8070 9956  FP  Sorteo # 7406 1699  FP  Sorteo # 2111 5211  Sorteo # 6165 7786 Virgo  Sorteo # 1095 167  X3	 Sorteo # 2532 0 x Jackpot 0 x Match 4+ 14 x Match 4 239 x Afl. 12,00  Sorteo # 6612 0 x Jackpot 2 x Match 4 222 x Afl. 8,00  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00   Sorteo # 	04-10-11-17-30 Joker 1 Letter M Proximo Jackpot 160.000,- 06-13-19-26-30 Proximo Jackpot 114.000,- Mega Ball Proximo Jackpot 320.000,- Afl. 420.000,- 

King Classic Sudoku

							7
5	7				3	8	
	4	3					6
			2			4	8
	3	5			8		
	2		4		6	7	
7	6			5	2	9	
		2	6	8			5
	5		9	7		2	8

Difficulty: ★★★

10/3



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
del Pueblo Centro Medico
Tel. 582 1253 Tel. 584 5794
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

Aruba Transfer Tour & Taxi C.A.

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Un homber na parti Sur di Libanon ta cuida mascotanan laga atras



(AP) - Cachonan ta pega na Hussein Hamza dentro di un auto mientras e ta mustra camara e daño laga atras pa atake aereo di Israel na parti sur di Libanon.

“Pica. Wak con e ta pega na mi cu miedo,” Hamza ta bisa den e video cu el a publica. “Un misil a cay aki,” el a conta.

Mientras Israel ta ataca parti sur di Libanon cu atakenan aereo, miles di residente ta coriendo for di nan cas cu miedo. Pero Hamza ta kedando. Su mision ta di cuida pa e cachonan y otro bestianan laga atras.

E ta opera un shelter pa bestia cu tin alrededor di 200 cacho den e pueblo di Kfour. Recientemente, tambe e ta

core door di otro pueblonan buscando cualkier bestia laga atras y mascotanan bandona pa duna cuminda.

“Mi a habri saconan di cuminda y a laga awa atras pa nan. Mi ta dependiendo riba Dios,” Hamza a bisa, mientras e tabata plama cuminda miles di meter leu for di su shelter, den caso cu e cachonan mester scapa di e facilidad ora cu e atakenan aereo yega mucho cerca.


Israel a dramaticamente aumenta su atakenan den varios parti di Libanon, cual e ta bisa ta contra Hezbollah y su armanan. Sinembargo mas di 1,000 persona a fayece den e pais den e ultimo 2 siman, casi un kwart di nan hende muhe y muchanan, segun e Ministerio di Salud di Libanon.

E gobierno di e pais a bisa cu e pelea a causa cu te hasta 1 miyon di residente mester a sali for di nan cas, aunke Nacionnan Uni ta calcula cu esaki ta na 200,000.

Cu su pueblo bao bombardeo constante, Hamza, di 56 aña, a nenga bandona e bestianan den su cuida.



Pronostico di tempo



Tempo:

Awe tardi y awe nochi: parcialmente nubia y generalmente seco
Den marduga y mañan: temporalmente hopi nubia cu un awasero local

Temperatura maximo 33 grado Celsius
Temperatura minimo 27 grado Celsius
Indice di calor (heat index) den y rond
Di oranan di merdia: 34 pa 40 grado Celsius
Uv index: 12

Bahada di solo: 6:28pm
Subida di solo: 6:29am

Biento:

Zwak te modera for di direccionnan entre oost-noordoost y zuidoost; forsa 2 te 4 (7 te 30km/ora, 4 te 16 nudo).
Temporalmente variabel y zwak; forsa 1 (1 te 6km/ora, 1 te 3 nudo).

Situacion general di tempo:

Un area zwak di presion halto lo domina weer y lo sostene un biento zwak te modera. Humedad disponibel por induci un awasero local durante e periodo di pronostico aki.

Condicionnan maritimo/ estado di lama:

Na partinan protege di costa: keto, rond di 1 pia.
Na partinan zuid: trankil, 1 pa 2 pia.
Na partinan oost te noordwest di costa: modera cu olanan alrededor di 2 pa 3 pia.

TA BUSCA

Huan Zham Supermarket
busca persona pa pick up,
busca carga, surtir producto,
mantener lugar limpi
Interesa por yama na
Tel. 594 1850

218374

Panda Express

ta busca
“Cook Helper”
Por yama na
Tel. 582 8995

218367

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23



Alfonso Segundo Solognier
Cariñosamente yama : "Fong"
*01-06-1939 - †30-09-2024

Acto di entiero lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa".
Salmo: 23

Cu inmenso tristeza na nos curason, nos ta anuncia fayecimento di:



Sra. Ilse Roline van Trigt-Wildeboer
*15-08-1926 - †01-10-2024

Acto di despedida lo wordo anuncia despues.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

Cu profundo dolor na nos curason, pero agradecido pa tur
locual e la nifica pa nos,
Nos ta anuncia fayecimento di mi mama, nos wela, nos
ruman y nos tanta stima:



Betrandita Philomena Vrolijk
Mihor conoci como Juffrouw
Philomena, Mena, Dudu of Chichi
*10-10-1943 - †28-09-2024

Mayornan: †Esteban (Rey) y †Aida Vrolijk-Quant

Na number di su:
Yiu stima: Alexio "Alex" Croes y Nathalie Croes-Wouters
Nieto- y Nietanan:
Genesis Nuñez Fajardo, Zyonn Croes, Keyon Croes,
Alysha Croes y Alisaine Croes
Tata di su Yiu: Eugenio "Leo" Croes y Famia
Rumannan:
†Sylvester, Sira Vrolijk-Boekhoudt y Famia
†Raymundo, Margarita Vrolijk-Hernandez y Famia
†Andres, Annie Vrolijk-Neef y Famia
Hendrik, Amparo Vrolijk-Guerrero y Famia
Deni Vrolijk, yiunan y Famia
†Leo, Serodjinie Vrolijk-Ajodhia y Famia
Annie y Orlando Gomez Correa-Vrolijk
Mirto, Stella Vrolijk-Nicolaas y Famia
Lies Vrolijk y Manuel Pimienta
Ada y Jacinto Werleman-Vrolijk
Tanta- y omonan:
†Narcisa Croes y Famia
†Catharina Vrolijk
†Eugenia Vrolijk
†Carlos Vrolijk y Famia
†Ninita Pourrier y Famia
†Felipe Quant
†Andres Quant y Famia
†Reineta de Windt y Famia
†Maximina Maduro y Famia
†Macaria Orman y Famia
†Ramiro Quant y Famia
Margot y Eddie Thodé y Famia
Amiganan di cas:
Verona Orman, Carina Winterdaal, Joyce Pereira, Olivia
Tromp, Ortencia Tromp, Neiffi Kock, Gala Wever, Carmen
Boekhoudt, Gwendoline Kock.
Su mascotanan stima: Divienne - Maxi - Cisca
Demas famianan: Vrolijk, Croes, Wouters, Pourrier, Quant,
De Windt, Maduro, Orman, Thodé y Nuñez Fajardo.
Primo- y primanan, subrino- y subrinanan, ihanan,
bon bisninan, tur su Ex- coleganan y alumnonan di:
Inmaculada Huishoudschool, EPB Santa Cruz, coleganan
di Curriculum y miembronan di Mascaruba.
Un danki di curason na Staff y Personal di Amilia Care
Services, kendenan a trata Philomena cu hopi amor y
cariño.
Sin lubida, Dr. D. De Cuba y Dr. Singh.

Acto di condolencia ta tuma lugar na Aurora Funeral Home
riba diabierna 04 Oktober di 7or pa 9or di anochi.

Despensa nos si nos por a lubida cualkier famia den nos
momento di tristesa.

Lamentablemente despues di entiero nos no por ricibi
bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y flornan por seca, su recuerdonan y tur loke
el a haci y significa pa nos, lo keda graba pa semper
den nos mente y curason.
"Cerca Dios mi alma ta na paz, ta di DJ'E mi salvacion
ta bin"
Salmo 62:1

Cu dolor na nos curason, nos ta participa fayecimento
di nos ser stima:



Juan R. Tromp
Cariñosamente yama "Robby of Juancho"
*27-12-1946 - †01-10-2024

Acto di entiero lo wordo anuncia despues

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada
Den cunucu di yerba berde e ta ponemi
sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:



Leopoldo Willems
*15-11-1943 - †15-09-2024

Acto di entiero lo wordo anuncia despues.

Entregamento di lista pa e partidonan politico lo tuma lugar diabierna 18 october 2024

Conforme articulo 16 inciso 4 di e Ordenansa Electoral, e Presidente di Hoofdstembureau ta participa lo siguiente: Entregamento di lista pa e partidonan politico lo tuma lugar diabierna 18 october 2024.

Segun articulo 16 inciso 2 di e Ordenansa Electoral por haci esaki den dos manera:

1. Den forma digital of
2. Personalmente

Informacion general

E entregamento di e lista di candidato (kandidatenlijst) lo mester sosode entre 09:00 cu 16:00. E formularionan cu mester wordo yena y entrega dia di entrega di lista lo ta disponibel di antemano riba e website er.aw

Tambe ta pidi pa yena e declaracion di escogencia di color (si e partido ta desea esey) si acaso esaki lo wordo usa riba e stembiljet. Conforme articulo 30 inciso 2 di



e Ordenansa Electoral e colornan lo wordo publica mas tarda 4 di october 2024.

Entregamento den forma digital:

E apoderado (suplente) di e partido politico mester manda e lista di candidato diabierna 18 october entre 09:00 cu 16:00 na e e-mail secretaris@er.aw.

Conforme articulo 19 inciso 3 jo. articulo 20 di e Ordenansa Electoral, mester entrega e siguiente informacion por escrito na Hoofdstembureau dentro di 24 ora cu a haci e entrega di lista digitalmente:

1. Declaracion individual di cada candidato cu nan ta bay di acuerdo cu ponemento di nan number ariba lista di candidato;

2. Comprobante di pago na Departamento di Finanzas di un suma di Afl. 1.000,-;

3. Un pasfoto blanco cu preto di 4 pa 6 cm, dunando un bista claro y igual di e candidato postula mas halto ariba e lista di e partido.

Den e caso aki articulo 132 di e Ordenansa Electoral ta aplicabel.

Pa entrega personal:

Pa entrega personal, tiramento di lot lo determina e orario cu cada partido politico lo entrega nan lista. Esaki lo tuma lugar dia 11 october 2024 pa 10or na Schoolstraat 2, Hotel California. E apoderado (suplente) of lider di partido por ta presente pa cu esaki.

Diabierna 18 di october 2024 e apoderado (suplente) di e partido politico ta haci entrega di e lista di candidato riba e orario cu a wordo stipula. Un candidato of lider di partido tambe por ta presente duran-

te e entrega aki. E entrega lo tuma lugar na Schoolstraat 2, Hotel California.

Conforme articulo 19 jo. articulo 20 di e Ordenansa Electoral hunto cu e lista mester entrega, lo siguiente:

1. Declaracion individual di cada candidato cu nan ta bay di acuerdo cu ponemento di nan number ariba lista di candidato;
2. Comprobante di pago na Departamento di Finanzas di un suma di Afl. 1.000,-;
3. Un pasfoto blanco cu preto di 4 pa 6 cm, dunando un bista claro y igual di e candidato postula mas halto ariba e lista di e partido.

Ademas di e anuncio aki, e apoderado di cada partido politico, kende ta conoci na Hoofdstembureau cu lo participa na e eleccion 2024, lo ricibi un carta di Hoofdstembureau den cual lo menciona detayadamente locual a wordo describi den e anuncio aki.

Fit & Fun Vakantiekamp 07 - 11 october 2024

Fit & Fun vakantie Camp ta bay ta algo diferente y cu un meta social. Un Camp yena cu ambiente y energia positivo y cu actividadnan unico. E hoben por siña con pa scoge su propio style di biba na un manera saludabel y fit.

Hoben bo ta cla pa un all-inclusive Camp?! Deporte, charla, musica, pool day, retonan specialmente diseña pa bo descubri bo potencial mientras bo ta having fun! Ta inclui tur material, snacks, juice, fruta parti mainta y un Lunch saludabel.



No laga e oportunidad aki pasa bay di disfruta cu friends den un dushi ambiente den e vakantie aki. Inscribi awe mes pa segura bo lugar!

Fecha: 07 pa 11 di october 2024

Edad: 11 - 16 aña

Orario: 8:00 am - 13:00 pm
Lugar: Fundacion Centro F. Piedra Plat

Pa mas informacion por yama of whatsapp 699-5545 / 858-5544 E-mail: centro-famiapp@gmail.com Piedra Plat # 50



Invitacion pa Santa Misa na Alto Vista y na Blue Army Center

Diasabra 5 di october 2024 pa 7or di mainta tin Santa Misa na Kapel di Alto Vista. Pa 6.15 ta resa Santo Rosario. Luna di october ta luna di resa Santa Rosario. Na San Nicolas, ta cuminsa resa Santo Rosario pa 6.15 mainta den Cas Curason di Maria of Blue Army Center. Despues Santo Sacrificio di Misa ta 7or.

Ta invita henter e pueblo, deboto y fielnan pa asisti, na

e Santa Rosario prome cu Santo Misa. Mama Maria ta entercede pa nos, na nos Tata Celestial. Laga nos gradici Dios pa e awasero cu nos a haya den su bondad.

Nos ta conmemora Santa Faustina Kowalska, Apostel de la Divina Misericordia naci na Polonia den aña 1905, tawata un religioso mistica catolico conoci pa su aparicion di Hesu-Cristo. Su bida y revelacionnan a inspira un devocion ferviente

na Divina Misericordia den Iglesia Catolico. Segun su revelacion, Hesus a transmiti enseñansa importante riba amor y misericordia divina. E devocion ta basa riba creencia cu Dios ta infinitamente misericordioso y ta dispuesto pa pordona tur pecador, cu ta acudi na Dj' E cu confianza y arrepentimento sincero. Un di su pilar fundamental di la bida spiritual di Santa Faustina ta su famoso Diario.

Den su Diario, cu e mes a

skirbi entre 1934 y 1938, ta su testimonio intimo cu Hesus y su mision cu e Divina Misericordia. 1993, Papa Juan Pablo II a proclama oficialmente santidad di Santa Faustina y a declar'e Santa.

Papa Francisco ta haci un suplica na mundo pa resa e Santo Rosario, nos ta den un tempo di crisis grandi. Aki na Aruba ya nos ta sinti e Cambio di Clima. E cayente di e solo ta afecta nos tur dia. Ban haci un curashi diasabra

mainta treman pa ofrece nos ora y asisti na Santa Misa y resa pa tur esnan cu ta leu di iglesia. Laga nos resa pa necesidad di Iglesia Universal, pa Papa Francisco, Obispo Luis Secco, tur sacerdote, Diacono y laiconan cu ta hiba e bon noticia pa e pueblo di Dios. Pa nos Gobernantenan y tur cu ta carga responsabilidad pa nos pais Aruba. Pa enfermonan den exterior cu a bay busca nan salud. Cu pronto lo regresa na Aruba y gosa di un bon salud.

Un bom Mericano for di Segunda Guerra Mundial ta explota na aeropuerto Hapones, lagando krater riba caminda

(AP)—Un bom Mericano for di e Segunda Guerra Mundial cu a ser dera na un aeropuerto Hapones a explota ayera, resultando den un krater grandi riba caminda di taxi y e cancelacion di mas cu 80 vuelo pero no a laga ningun herido, segun oficialnan Hapones.

Oficialnan di e ministerio di Tera y Transporte a bisa cu no tabatin aeronave cerca ora e bom a explota na Miyazaki Airport. Oficialnan a bisa cu un investigacion pa e Self-Defense Forces y polis a confirma cu e explosion a ser causa pa un bom Mericano y no tabatin mas peligro. Nan tabata determinando kico a causa e explotacion diripi-



ente.

Un video graba pa un scol di aviacion den bisindario ta mostra e explosion ta spart

pidanan di asfalt den e aire manera un fontein. Locucion di videonan riba television Hapones a mostra un krater

riba e caminda di taxi aproximadamente 7 meter den diametro y 1 meter profundo. Secretaria di Gabinete Yoshi-

masa Hayashi a bisa cu mas cu 80 vuelo a ser cancela na e aeropuerto, cual ta spera di por resumi operacionnan diahuebs mainta. Miyazaki Airport a ser construi na 1943 como un veld di entrenamiento pa vuelonan di e ex-hercito Hapones Imperial cual algun piloto a bula riba misionnan di atake suicidio.

Un cantidad di bom cu Merca a laga cay durante e Segunda Guerra Mundial a ser descubri den e area, segun e oficialnan di e ministerio di Defensa Hapones a bisa. Centnares di ton di bomnan for di e guerra cu no a explota a keda bao tera den e pais.

Reino Uni y Union Europeo ta priminti pa fortalece nan relacion kibra despues di Brexit



(AP)—Reino Uni y e Union Europeo a acorda ayera pa fortalece nan relacion despues di e daño pa Brexit y pa tene un serie di reunionnan, incluyendo na e nivel mas halto, riba asuntonan manera crecimiento economico, energia, seguridad y migracion.

Den un declaracion publica despues di discusionnan na Bruselas, prome minister Britanico Keir Starmer y presidente di e Comision Europeo Ursula von der Leyen a acorda riba “e importancia di e relacion unico” cu nan ta comparti y a priminti pa fortalece nan cooperacion “amiciosamente.”

E lidernan ambos a recompromete na e Withdrawal Agreement y otro pactonan logra riba e terminonan di

Brexit mientras Britania a sali for di e aliansa di comercio mas grandi cuatro aña pasa, e prome pais pa haci esaki, creando un tension entre nan.

Tambe nan a reafirma nan compromiso pa mantene ley internacional y na e Convencion Europeo riba Derecho Humano. Brexiteronan estricto kier pa e Reino Uni sali for di e convencion pa asina buscadonan di asilo por ser deporta sin e intervencion di cortenan di derecho.

Britaniconan a vota pa sali for di UE durante e referendum di Brexit na 2016, ora un promesa clave di e campaña pa sali tabata pa esaki por duna e Reino Uni mas control riba su frontera. Pero cifranan di inmigracion a aumenta en bes di cay, desde e tempo ey.

Von der Leyen y Starmer a



subraya e retonan comparti cu nan ta enfrenta, notablemente pa via di e invasion di Rusia riba Ucrania, y ambos “a reitera nan sosten pa e soberania di Ucrania.” Nan a bisa cu “un relacion positivo, stabiel y cu bista pa futuro tabata den nan interes mutual y e provee e fundeshi pa cooperacion di termino largo.” Lo establece un agenda pa nan cooperacion den e proximo lunanan.

E lo cuminsa por medio di “defini hunto e areanan den cual coopera fortalece lo ta mutualmente beneficioso, manera e economia, energia, seguridad y resiliencia, den respet completo di nan proceduranan interno y asuntonan institucional.”

E dos partido a bisa cu nan lo reuni atrobe den temporada di invierno, y cu e prome di

loke mester bira serie regular di cumbrenan entre UE y Reino Uni mester tuma luga na comienso di otro aña.

Mas trempa, parando hunto cu von der Leyen, Starmer a conta reporteronan cu e ta kere “e publico Britanico kier regresa na liderazgo pragmatico y sensible ora ta trata di traha cu nos bisiñanan mas cerca, pa haci Brexit traha y pa cumpli den nan interesnan, pa haya manera pa aumenta crecimiento economico, fortalece nos seguridad y aborda retonan comparti manera migracion iregular y cambio di clima.”

Von der Leyen a acepta su bishita y e oportunidad pa fortalece relacionnan entre UE y Reino Uni. “Nos tin un set di acuerdonan robusto,” el a bisa. “Nos mester explora e scala pa mas cooperacion

mientras nos ta enfoca riba e implementacion completo” di e acuerdonan di Brexit sosteniendo nan divorcio costoso.

Starmer tambe a tene discusionnan cu e otro lidernan di e institucionnan principal di e aliansa: e presidente di e Consejo Europeo Charles Michel y presidente di parlamento Europeo Roberta Metsola.

UE, pa su parti, kier construi brugnan entre hobennan riba ambos banda di e Canal Ingles por medio di introduci un programa cu lo permiti ciudadanonan hoben di UE y Reino Uni pa studia, traha y biba pa periodonan corto den Reino Uni y UE, respectivamente. Apoyadornan di Brexit ta opone esaki.

Desde e victoria di su partido centro-iskierda, Starmer a busca un rol mas grandi pa Reino Uni riba e escenario global despues di varios aña di relacionnan tenso cu Europa debi na Brexit. El a priminti pa reduci algun di e limitenan despues di Brexit pa hende y productonan cu a socava relacionnan entre Britania y e aliansa. Starmer ta insisti si cu e no lo anula Brexit, of reuni cu e sindicato di mercado y inmigracion di UE.

Hezbollah tin miedo di nombra un lider nobo despues di morto di Hassan Nasrallah debi na infiltracion di Israel

(Infobae) – E morto recién di e lider di Hezbollah, Hassan Nasrallah, a provoca un investigacion profundo di parti di autoridadnan Irani pa detecta posibel infiltracion den nan propio filan-an, incluyendo esnan di e poderoso Guardia Revolucionario y oficialnan halto di seguridad, segun un funcionario halto Irani a bisa.

Investigacionnan a enfoca riba e miembronan ey cu ta biaha pa exterior of cu tin miembronan di famia cu ta biba pafu di Iran. Teheran a bira sospechoso di cierto miembronan di Guardia Revolucionario cu tabata biaha pa Libanon, e oficial a bisa.

Alarmanan a activa ora un di e individuonan aki a cuminsa puntra tocante e paradero di Nasrallah y e duracion di tempo cu e lo keda na cierto luganan.

E sospechoso a keda aresta hunto cu varios otro persona, e prome oficial a bisa, sin revela e identidad di e detenidonan of nan famia, cu lo a muda pafu di Iran.



Segun un otro funcionario Irani, e asesinato di Nasrallah a sembra desconfiansa tanto entre Teheran y Hezbollah como dentro di e organisacion Libanes mes.

“E confiansa cu tabata tene tur cos hunto a desaparece,” el a bisa. Un di tres oficial alto, cerca di

e liderazgo Irani, a sigura cu e lider supremo, Ayatollah Ali Khamenei, “no ta confia niun hende mas.”

Nasrallah a muri despues di dos siman di atakenan dirigi di Israel, cu a destrui instalacionnan di arma, a elimina mita di e consejo di liderazgo

di Hezbollah y a perhudica su liderazgo militar.

E miedo di Iran pa seguridad di Khamenei y perdida di confiansa den tanto Hezbollah como institucionnan Irani a keda refleha den conversacionnan cu 10 fuente cu a describi un situacion cu por complica e

funcionamento efectivo di Aliansa di Resistencia, componi pa gruponan arma anti-Israel irregular.

E situacion di incertidumbre y desorganizacion tambe ta haci dificil pa Hezbollah eligi un lider nobo, ya cu temor ta persisti cu infiltracion Israeli lo por trece na peliger e sucesor di Nasrallah, otro fuente Libanes a bisa. Hezbollah, funda cu respaldo di Iran den añanan 1980, pa hopi tempo tabata e miembro mas formidabel di e aliansa.

E caos tambe ta haciendo dificil pa Hezbollah scoge un lider nobo, temiendo cu e infiltracion continuo ta pone e sucesor na peliger, segun fuente Libanes a bisa.

“Iran basicamente a perde e inversion di mas grandi cu e tabatin den e ultimo decananan,” Magnus Ranstorp, un experto di Hezbollah na Universidad di Defensa di Suecia, a bisa di e daño profundo haci na Hezbollah cu el a bisa a disminui e habilidad di Iran pa ataca e fronteranan di Israel.

Horcan Helene ta e di dos mas mortal den e ultimo 50 año na Merca

(Infobae) – Awor Helene ta e di dos horcan mas mortal cu a asota continente di Merca den e ultimo 50 año. Esun mas mortal, tabata horcan Katrina na 2005, cual a costa e bida di por lo menos 1.833 hende.

Segun e conteo di e medio CNN, e cantidad di morto di

Helene a subi na mas di 160 y hopi hende ta perdi ainda den seis estado cu ta abarca 800 kilometer. E magnitud di e calamidad a genera preocupacion y esfuersonan intenso di rescate den e regionnan afecta.

Di acuerdo cu un informe de-taya di CNN, horcan Helene a yega tera na costa di Golfo

di Florida dia 26 di september como un horcan di categoria 4, causando un ola di ciclon sin precedente. “Awa a subi te na por lo menos 1.8 meter (6 pia) na Tampa Bay, sumergiendo hopi vehiculo y residencia,” CNN a comenta. Den e condadonan di Pinellas y Cedar Key, e devastacion tabata di tal forma cu autoridadnan a adverti habi-

tantenan pa no bolbe debi na condicionnan peligroso.

Comunidadnan tabata isola y devasta ora cu awa di inundacion a yena camindanan, casnan y autonan. Jules Carl, un residente di Steinhatchee na Big Bend, a describi e situacion: “Awor aki mi tin un boto staciona mi dilanti riba caya y pisca den nos cura.” Carl a agrega cu “e awa tabata subi e trapi den nos cura.” “E tabata hopi, hopi cerca di dreña.” Segun informe di CNN, e ola di tormenta tabata asina severo cu algun cas na Steinhatchee a wordo lasta y dal den otro.

Continuando su caminda destructivo, Helene a baha na un tormenta tropical segun cu e tabata bay den direccion di e dos Carolina, sin embargo, su furia no a mengua. “Na South Carolina, Helene a trece bientonan violento y a basha 30 pa 35 centimeter di awasero (11.8 pa 13.8 inch),” segun e informe di CNN. Dos bombero a muri den e condado di Saluda despues cu un mata a cay riba nan truck di bombero.

Na Georgia, unda e tormenta a yega como un horcan di categoria 2, yobidanan anterior a satura e tera, causando inundacionnan masivo. “E ekipo di bombero di Cobb County a rescata un dama for di un auto sink na Mableton djis despues di mainta dia 27 di september.” Na Atlanta, awasero a alcanza nivelnan record, cu ta suma 12 pa 15 inch (30 pa 38 centimeter), ekivalente na cuatro luna di awasero den solamente dos dia.

E magnitud di e devastacion a laga miyones sin coriente y a dañá infraestructura severamente den varios estado. Esfuersonan di rescate y recuperacion ta andando, aunque autoridadnan ta adverti cu bolbe na normalidad lo tuma tempo.

E tormenta a sigui su avance den Virginia, unda dos persona a muri door di caida di mata, lagando centenares di persona sin servicionan esencial. Helene a bira un depresion tropical diabierna siman pasa y a disolve pa diasabra, pero e berdadero magnitud di su impacto lo mester determina ainda.

